

**JAMHURI YA MUUNGANO WA TANZANIA  
OFISI YA WAZIRI MKUU  
TAWALA ZA MIKOZA NA SERIKALI ZA MITAA**



**HALMASHAURI YA JIJI LA MWANZA**



**SHERIA YA SERIKALI ZA MITAA  
(MAMLAKA ZA MIJI)  
SURA YA 288**

**KANUNI ZA KUDUMU**

**Zimetungwa chini ya Kifungu cha 42(1) cha Sheria ya  
Serikali za Mitaa (Mamlaka za Miji) Na.8 ya mwaka 1982  
Sura ya 288**

**KANUNI ZA KUDUMU ZA HALMASHAURI YA  
JIJI LA MWANZA ZA MWAKA 2013**

Mkurugenzi wa JIJI,  
Halmashauri ya Jiji la Mwanza,  
S.L.P 1333,  
**MWANZA**

Tel. No. 255 28 2501375  
Fax: No:255 28 2500785  
E-Mail: [mwacity@africaonline.co.tz](mailto:mwacity@africaonline.co.tz)

**Novemba, 2013**

**TANGAZO LA SERIKALI Na. .... la tarehe .....**

**SHERIA YA SERIKALI ZA MITAA (MAMLAKA ZA MIJI)**

**(SURA YA 288)**

**KANUNI ZA KUDUMU**

**Zimetungwa chini ya kifungu cha 42 (1)**

**KANUNI ZA KUDUMU ZA HALMASHAURI YA JIJI LA MWANZA  
ZA MWAKA 2013**

**YALIYOMO**

**SEHEMU YA I  
MASHARTI YA MWANZO**

1. Jina na tarehe ya kuanza kutumika
2. Tafsiri ya misamiati iliyotumika

**SEHEMU YA II  
MIKUTANO YA HALMASHAURI**

3. Mikutano ya Kawaida ya Halmashauri
4. Utaratibu wa Uchaguzi
5. Mkutano Maalum wa Halmashauri
6. Mkutano wa Bajeti
7. Mkutano wa Mwaka
8. Taarifa za Mikutano
9. Akidi katika mikutano ya Halmashauri.

**SEHEMU YA III  
TARATIBU ZA MIKUTANO**

- 10.Uchaguzi wa Meya na Naibu Meya wa Halmashauri
- 11.Uongozaji wa Mikutano ya Halmashauri
- 12.Kumbukumbu ya mahudhurio
- 13.Kuruhusu watu na Vyombo vya Habari kwenye Mikutano ya

## Halmashauri

- 14.Utaratibu wa shughuli za Mikutano
- 15.Kuthibitisha muhtasari
- 16.Hoja za Meya/Mwenyekiti
- 17.Taratibu za Majadiliano
- 18.Fujo zinazosababishwa na Wajumbe.
- 19.Fujo zinazosababishwa na Umma
- 20.Hoja za Marekebisho ya Hoja
- 21.Hoja zinazoweza kutolewa bila taarifa.
- 22.Haki ya kujibu
- 23.Maswali
- 24.Maswali ya papo kwa papo
- 25.Taarifa za Kamati
- 26.Taarifa kutoka kwenye Kata
- 27.Uhuru wa Kutoa mawazo wakati wa majadiliano
- 28.Kauli zenyе kashfa
- 29.Maamuzi ya Mikutano ya Halmashauri
- 30.Mwaliko kwa wasiokuwa Wajumbe kushiriki na kuzungumza  
kwenye vikao vya Halmashauri
- 31.Mihtasari ya Kata na ya Vijiji/Mitaa
- 32.Mihutasari kupelekwa kwa Mkuu wa Wilaya na Mkuu wa  
Mkoa
- 33.Hoja kuhusu matumizi
- 34.Kupokelewa kwa taarifa ya Kamati
- 35.Kuidhinishwa kwa taarifa ya Kamati
- 36.Uhalali wa majadiliano ya Halmashauri
- 37.Uwezo wa Halmashauri kujigeuza kuwa Kamati ya Halmashauri  
nzima.
- 38.Hoja zinazohusu watumishi wa Halmashauri
- 39.Kushiriki kwa Umma
- 40.Uahirishaji wa Vikao

## SEHEMU YA IV KAMATI

- 41.Kamati za Kudumu
- 42.Meya kuwa Mjumbe wa Kamati zote.
- 43.Uwezo wa Kamati

- 44.Kamati za Pamoja
- 45.Kukasimu madaraka kwenye Kamati
- 46.Kamati Ndogo
- 47.Mikutano ya Kamati
- 48.Mwenyekiti wa Kamati
- 49.Mkutano maalum wa Kamati
- 50.Ajenda za Kamati
- 51.Mahudhurio katika Mikutano ya Kamati
- 52.Mtoa hoja kualikwa kwenye Mkutano wa Kamati
- 53.Waalikwa wasiokuwa Wajumbe kuhudhuria na kushiriki katika Mikutano ya Kamati
- 54.Mahudhurio ya Umma na Vyombo vya Habari kwenye Mikutano ya Kamati na Kamati Ndogo
- 55.Athari za nafasi wazi kwenye Kamati
- 56.Akidi kwenye Mikutano ya Kamati
- 57.Kanuni za kudumu kutumika katika Mikutano ya Kamati
- 58.Upigaji kura kwenye Mikutano ya Kamati
- 59.Muhtasari wa Kamati
- 60.Kufikiriwa upya maamuzi
- 61.Kutunza siri za majadiliano ya Kamati na Kamati Ndogo
- 62.Kujiuzulu wadhifa wa Mwenyekiti wa Kamati
- 63.Kujiuzulu ujumbe wa Kamati na kujazwa kwa nafasi iliyoachwa wazi.

#### **SEHEMU YA V**

#### **UNUNUZI WA VIFAA, UPATIKANAJI WA HUDUMA NA UJENZI**

- 64.Taratibu za uagizaji
- 65.Kumbukumbu za majadiliano yanayohusu uagizaji
- 66.Uzuiaji wa rushwa
- 67.Usimamizi wa Mikataba
- 68.Uvunjaji wa Mkataba
- 69.Rejestra ya Mikataba
- 70.Diwani au Afisa kutokuwa na maslahi kwenye Mikataba

#### **SEHEMU YA VI**

## **MASUALA MENGINE**

- 71.Kiapo cha kukubali wadhifa
- 72. Majukumu ya Diwani
- 73.Nafasi wazi
- 74.Kutokuwepo kwa Wajumbe
- 75.Taratibu za kutunga Sheria Ndogo
- 76.Ukaguzi wa nyaraka
- 77.Uanzishaji wa Bodi ya Huduma
- 78.Diwani kutembelea maeneo, shughuli mbalimbali za ujenzi
- 79.Uhifadhi wa lakiri ya Halmashauri
- 80.Utiaji muhuri kwenye nyaraka
- 81.Uandikishaji wa anwani
- 82.Uteuzi wa Wajumbe kwenye Taasisi za nje
- 83.Kumwondoa Meya/Mwenyekiti madarakani

## **SEHEMU YA VII POSHO KWA WAJUMBE**

- 84.Aina za posho
- 85.Posho endapo Mkutano utaahirishwa

## **SEHEMU YA VIII MABADILIKO KWENYE KANUNI ZA KUDUMU**

- 86.Kusitisha utumiaji wa Kanuni za kudumu
- 87.Marekebisho na mabadiliko ya Kanuni za Kudumu
- 88.Kanuni za Kudumu kutolewa kwa Wajumbe
- 89.Kutafsiri Kanuni za kudumu
- 90.Ziara za Wajumbe
- 91.Wimbo wa Taifa,Dua na sala ya kuiombea Halmashauri
- 92.Kufuta Kanuni zilizopo

**SEHEMU YA I  
MASHARTI YA MWANZO.**

**KWA KUWA** kauli-mbiu ya Halmashauri ni kuendesha shughuli kwa namna inayozingatia demokrasia, ufanisi, tija, ushirikishwaji, uwazi na uwajibikaji;

**NA KWA KUWA** jukumu la Halmashauri ni kuimarisha demokrasia katika ngazi zote na kutoa huduma kwa wananchi kwa kuzingatia ufanisi, usawa, haki na kwa namna inayochochea maendeleo ya maeneo yaliyo chini ya mamlaka ya Halmashauri kwa kuwashirikisha wananchi;

**NA KWA KUWA** madhumuni ya Kanuni hizi za kudumu ni kuweka utaratibu wa namna Halmashauri itakavyoendesha Mikutano na shughuli zake kwa kuzingatia misingi ya utawala bora;

**SASA BASI**, Kanuni hizi za kudumu zinaelekeza ifuatavyo;

Jina na 1.  
tarehe ya  
Kuanza  
kutumika

Kanuni hizi zitaitwa Kanuni za Kudumu za Halmashauri ya Jiji la Mwanza za Mwaka 2013 na zitaanza kutumika mara baada ya kutangazwa kwenye Gazeti la Serikali;

Tafsiri 2.

Katika Kanuni hizi, isipokuwa kama maelezo haya yatahitajika vinginevyo;

**“Afisa wa Serikali za Mitaa”** maana yake ni mtu ambaye ameajiriwa na au ambaye yumo katika Utumishi wa Mamlaka ya Serikali za Mitaa na ambaye anashika au anakaimu katika nafasi ya menejimenti;

**“Akidi”** ni idadi ya Madiwani itakayokamilika baada ya

kujiorodhesha katika rejestra ya Mahudhurio ya Mkutano ambayo itaruhusu kufanya maamuzi ya Mkutano kwa mujibu wa Kanuni za 9, 49 na 56;

**“Chama”** ni chama cha siasa chenye uwakilishi katika Baraza la Madiwani;

**“Diwani”** maana yake ni Mjumbe wa Halmashauri aliyetajwa kwa mujibu wa kifungu 24..... cha Sheria ya Serikali za Mitaa (Mamlaka za Miji) Sura ya 288;

**“Fujo”** maana yake ni kitendo chochote kinachoweza kufanywa na Mjumbe au Mshiriki wa Vikao vya Halmashauri au Kamati ya Kudumu ambacho ni kinyume na taratibu za uendeshaji wa vikao, kinachoweza kuvuruga kikao. Mfano kuongea bila ruhusa ya Mwenyekiti, kutoa lugha isiyofaa, kutoa kauli yenye maudhi, kuingia kwenye kikao akiwa umelewa, kuingia na silaha na kutoa lugha ya kashfa, kukaidi amri ya Mwenyekiti, kukaidi kutoka nje pale anapoamriwa kutoka kutokana na fujo alizosababisha;

**“Halmashauri”** maana yake ni Halmashauri ya Jiji la Mwanza

### **“Kamati”**

- (a) Inapotumika kuhusiana na Halmashauri ya Jiji ina maana ya Kamati iliyoanzishwa au iliyoteuliwa na Halmashauri Jiji chini ya Sheria;
- (b) Inapotumika kuhusiana na Kamati ya Maendeleo ya Kata ina maana ya Kamati hiyo;
- (c) Inapotumika kuhusiana na Kamati Ndogo maana yake ni Kamati Ndogo hiyo iliyoteuliwa na Kamati;
- (d) Inapotumika kuhusiana na Kamati nyingine ina maana ya Kamati hiyo;
- (e) Kwa maana ya Bodi ya Zabuni ni Katibu wa Bodi

ya Zabuni.

**“Kura ya siri”** Maana yake ni Kura itakayopigwa katika eneo la faragha lililotengwa kwa madhumuni ya kupiga kura, eneo ambalo halitapungua umbali wa mita tano (5) kutoka kwa Msimamizi wa kura;

**“Mkurugenzi”** maana yake ni Mkurugenzi wa Jiji wa Halmashauri ya Jiji la Mwanza pamoja na Afisa yeoyote aliyeuleliwa kutekeleza majukumu ya Mkurugenzi;

**“Mjumbe”** maana yake ni Mjumbe wa Halmashauri kama ilivyoainishwa na kifungu cha 27 cha Sheria;

### **“Meya”**

Kwa madhumuni ya Halmashauri maana yake ni Meya wa Jiji la Mwanza na inajumuisha Naibu Meya wakati anapotekeleza majukumu ya Meya kwa mujibu wa kanuni hizi.

### **“Mwenyekiti”**

- a) Kwa madhumuni ya Halmashauri maana yake ni Mwenyekiti wa Halmashauri ya Jiji la Mwanza na inajumuisha Makamu Mwenyekiti wakati anapotekeleza majukumu ya Mwenyekiti kwa mujibu wa Kanuni hizi.
- b) Kwa madhumuni ya Kamati, Bodi au Kamati Ndogo maana yake ni Mwenyekiti wa Kamati, Bodi au Kamati Ndogo.
- c) Kwa maana ya Bodi ya Zabuni ni Mwenyekiti wa Bodi ya Zabuni

**“Sheria”** maana yake ni Sheria ya Serikali za Mitaa

(Mamlaka za Miji) Sura ya 288 kama ilivyorekebishwa mwaka 2002.

“Waziri” maana yake ni Waziri mwenye dhamana ya Serikali za Mitaa;

## **SEHEMU YA II MIKUTANO YA HALMASHAURI**

- Mikutano ya Kawaida ya Halmashauri 3
- Mkutano wa Kwanza wa Halmashauri.
- (1) Mikutano ya Kawaida ya Halmashauri itafanyika mara moja kila baada ya miezi mitatu, na itafanyika mahali, tarehe na katika muda kama utakavyokuwa umepangwa katika kalenda ya Mikutano ya Halmashauri.
- (2) (a) Mkutano wa kwanza wa kawaida wa Halmashauri utafanyika baada ya Tume ya Uchaguzi kutangaza matokeo ya uchaguzi wa Madiwani wa Kata na uteuzi wa Madiwani wa Viti maalumu, na utafanyika mahali, siku na katika muda utakaopangwa na Mkurugenzi, ilimradi Mkurugenzi atapaswa kuitisha Mkutano huo ndani ya siku thelathini kuanzia tarehe ya matokeo ya uchaguzi wa Madiwani wa Kata na Uteuzi wa Madiwani Viti Maalum yanapotangazwa na Tume ya Uchaguzi ambapo moja ya ajenda za Mkutano huo ni kumchagua Meya/Mwenyekiti, Naibu Meya/Makamu Mwenyekiti na Wajumbe wa Kamati za Kudumu za Halmashauri.
- (b) Katika Mkutano huo Mkurugenzi wa Halmashauri atawasilisha Taarifa ya kumbukumbu ya maamuzi ya utekelezaji wa shughuli za Halmashauri zilizofanyika katika kipindi ambacho Baraza la madiwani lilivunjwa. Wajumbe wa baraza watapokea na kujadili bila kubatilisha maamuzi yaliyokwisha amuliwa.

Utaratibu wa 4 uchaguzi	Uchaguzi wa Meya na Naibu Meya utafanyika kwa kupiga Kura za siri na upigaji wa kura utafanyikia sehemu ya faragha umbali usiopungua mita (5) kutoka kwa Msimamizi wa Uchaguzi na mpiga kura atachukua karatasi ya kupiga kura kutoka kwa Msimamizi wa Uchaguzi.
Mkutano maalum wa Halmashauri	<p>5      (1)     Mkutano Maalum wa Halmashauri unaweza kuitishwa na Meya/ Mwenyekiti ndani ya siku ishirini na moja baada ya kupokea maombi ya maandishi yaliyosainiwa na si pungufu ya theluthi moja ya Wajumbe wote kutaka Mkutano huo ufanyike na maombi hayo yaeleze wazi madhumuni ya kuitishwa kwa Mkutano Maalum huo.</p> <p>(2)    Endapo ajenda ya Mkutano huo itahusu kumuondoa madarakani Mwenyekiti, Mkutano huo utaitishwa na Mkurugenzi baada ya kupokea maombi yaliyosainiwa na Wajumbe wa Halmashauri wasiopungua theluthi mbili ya Wajumbe wote.</p> <p>(3)    Baada ya Mkurugenzi kupokea maombi kutaka kufanyika kwa Mkutano wa kujadili ajenda ya kumuondoa madarakani Meya/Mwenyekiti, Mkurugenzi atamtaarifu Meya/Mwenyekiti tuhuma na sababu za kutaka kuondolewa Umeya/Uenyekiti na kumtaka aandae majibu ya tuhuma ndani ya siku tano (5) baada ya kupokea tuhuma hizo.</p> <p>(4)    Mkurugenzi katika muda wa siku Tatu (3) baada ya kupokea maelezo ya utetezi kutoka kwa Mwenyekiti, atawasilisha kwa Mkuu wa Mkoa tuhuma pamoja na maelezo ya utetezi.</p>

- (5) Mkuu wa Mkoa baada ya kupokea taarifa ya Mkurugenzi ndani ya muda wa siku tano (5) ataunda Timu ya Uchunguzi ambayo itakuwa na wajumbe wasiopungua watatu(3) na wasiozidi watano(5).
- (6) Timu ya Uchunguzi itatakiwa kukamilisha Uchunguzi katika muda wa siku kumi na nne (14) na kuwasilisha taarifa hiyo kwa Mkuu wa Mkoa.
- (7) Baada ya Mkuu wa Mkoa kupata taarifa ya Timu ya Uchunguzi atairudisha Taarifa hiyo kwa Mkurugenzi ambaye naye katika muda wa siku kumi na Nne (14) ataiwasilisha kwenye Kikao cha Baraza kwa uamuzi wa tuhuma hizo.
- Kif.cha 25(5)  
Sura 288
- (8) Endapo Meya/Mwenyekiti hataridhika na uamuzi wa Baraza, atakata rufaa kwa Waziri kuhusu tu utaratibu uliotumika kumuondoa madarakani na sio vinginevyo.
- Utaratibu wa  
kuwasilisha  
rufaa
- (9) Utaratibu utakaotumika kuwasilisha na kushughulikia rufaa iliyowasilishwa na Meya/Mwenyekiti ni ule ulioelezwa kwenye Taratibu za Kumuondoa Madarakani Meya/Mwenyekiti wa Halmashauri.
- (10) Iwapo Meya/Mwenyekiti anakataa kuitisha Mkutano maalum wa Halmashauri baada ya kupokea maombi ya kutakiwa kufanya hivyo, maombi yaliyosainiwa na Wajumbe wa Halmashauri wasiopungua theluthi moja ya Wajumbe wote wakionyesha sababu ya kuitisha Mkutano huo maalum na kuwasilishwa kwake, au iwapo bila kukataa, Meya/Mwenyekiti, ndani ya kipindi cha siku saba ataendelea kutoitisha Mkutano huo maalum baada ya kupokea ombi la kuitisha Mkutano huo maalum, basi theluthi mbili ya Wajumbe waliotia saini na kuwasilisha kwa Mkurugenzi wanaweza

kuitisha Mkutano huo maalum mara moja.

- (11) Taarifa ya Mkutano maalum itatolewa angalau saa ishirini na nne kabla ya Mkutano.
- (12) Hakuna shughuli nyingine yoyote itakayojadiliwa katika Mkutano maalum wa Halmashauri isipokuwa ile tu iliyoelezwa kwenye taarifa ya kuitishwa kwa Mkutano huo.

Mkutano wa 6  
Bajeti

Kutakuwepo na Mkutano wa Halmashauri wa Bajeti utakaofanyika kwa muda wa siku mbili mfululizo na utafanyika miezi miwili kabla ya mwaka wa fedha kumalizika na utajadili mambo yafuatayo:-

- (a) Utekelezaji wa Mipango na Bajeti ya mwaka uliopita.
- (b) Mipango na Bajeti ya mwaka unaofuata.

Mkutano wa 7. (1)  
Mwaka

(i) Mkutano wa Mwaka wa Halmashauri utafanyika tarehe, mahali na muda utakaopangwa na Halmashauri katika kalenda ya Mikutano na utaitishwa na Mkurugenzi baada ya kuwasiliana na Meya/Mwenyekiti wa Halmashauri.

(ii) Mikutano yote ya Baraza itapangwa na Baraza la Madiwani kwa kuzingatia ratiba ya Vikao vya Bunge ili kuwezesha Wabunge kuhudhuria Mikutano ya Baraza la Madiwani. Endapo italazimika kuitishwa kwa Mkutano wa Baraza wakati wa Vikao vya Bunge, Mkurugenzi atamjulisha au kuwajulisha Wabunge husika kuhusu kikao hicho ili wahudhurie.

- (2) Mkutano wa Kwanza wa Uchaguzi wa Meya/Mwenyekiti, Naibu Meya/Makamu Mwenyekiti na Wajumbe wa Kamati utaongozwa na Katibu Tawala wa Wilaya na Mkurugenzi wa Halmashauri atakuwa Katibu.

- Taarifa za 8 (1) Katika Mkutano wa kawaida wa mwaka, Halmashauri itajadili mambo yafuatayo:-
- (a) Kumchagua Naibu Meya/Makamu mwenyekiti,
  - (b) Kuteua Wajumbe wa Kamati za Kudumu;
  - (c) Kujadili taarifa ya utendaji na uwajibikaji wa Halmashauri kwa mwaka uliopita.
  - (d) Kupitisha ratiba ya vikao vya Halmashauri na Kamati za Halmashauri.
- Taarifa za 8 (1) Mkurugenzi atatoa taarifa ya Mkutano kwa maandishi kwa kila Mjumbe katika muda usiopungua siku saba akieleza mahali, siku na saa ya Mkutano unaokusudiwa na mambo yatakayojadiliwa katika Mkutano huo.
- (2) Taarifa ya Mkutano itaambatana na nyaraka au kumbukumbu muhimu zitakazotumika katika Mkutano huo.
- (3) Isipokuwa kwa idhini ya Meya/Mwenyekiti na au ya idadi ya Wajumbe isiyopungua robo tatu ya Wajumbe waliohudhuria Mkutano, hakuna shughuli yoyote itakayofanywa katika Mkutano wa Halmashauri mbali na shughuli zilizotajwa katika mwaliko wa Mkutano huo.
- Akidi katika 9 (1) Hakuna Mkutano wa kawaida wa Halmashauri utakaofanyika isipokuwa kama kutakuwepo idadi ya Wajumbe isiyopungua nusu ya Wajumbe wote waliohudhuria na kuijandikisha kwenye daftari la mahudhurio.
- (2) Akidi katika Mikutano maalum ya Halmashauri itakuwa ni theluthi mbili ya Wajumbe wote wa Halmashauri na itahesabiwa wakati wa ufunguzi wa Mkutano.

- (3) Akidi katika Mkutano wa kawaida wa mwaka na Mkutano wa kwanza wa Halmashauri itakuwa theluthi mbili ya Wajumbe wote wa Halmashauri.
- (4) Endapo Wajumbe waliohuduria Mkutano hawatafikia akidi ya Mkutano, Mkurugenzi atauahirisha Mkutano huo na kuitisha tena ndani ya siku saba (7) na endapo akidi haitatimia tena, idadi yoyote ya Wajumbe waliohuduria itatengeneza akidi ya Mkutano na Mkurugenzi atamjulisha Waziri kuwepo kwa hali hiyo.
- (3) Akidi katika Mikutano maalum ya Halmashauri itakuwa ni theluthi mbili ya Wajumbe wote wa Halmashauri na itahesabiwa wakati wa ufunguzi wa Mkutano.
- (4) Akidi katika Mkutano wa kawaida wa mwaka na Mkutano wa kwanza wa Halmashauri itakuwa theluthi mbili ya Wajumbe wote wa Halmashauri.

### **SEHEMU YA III TARATIBU ZA MIKUTANO**

- |   |    |  |
|---|----|--|
| Uchaguzi wa<br>Meya na<br>Naibu Meya<br>wa<br>Halmashauri | 10 | (1) Meya na Naibu Meya watachaguliwa na Wajumbe, kutokana na Wajumbe wa Halmashauri kwa kura ya siri itakayopigwa na Mjumbe mmoja mmoja kwenye eneo la faragha litakalotengwa umbali usiopungua mita 5 kutoka mahali alipoketi Msimamizi wa Uchaguzi.<br><br>(2) Mjumbe kabla ya kwenda sehemu ya faragha kwa ajili ya kupiga kura, atapatiwa na Msimamizi wa Uchaguzi karatasi ya kupigia kura kutoka kwenye chombo maalum kitakachowekwa mbele ya Msimamizi wa Uchaguzi, na atakwenda moja kwa moja kupiga kura yake kwenye sehemu ya faragha.<br><br>(3) Mtu atatangazwa kuchaguliwa kuwa Meya au Naibu Meya iwapo atapata zaidi ya nusu ya kura zilizopigwa. |
|---|----|--|

- Uongozaji wa Mikutano ya Halmashauri 11 (1) Mkutano wa Halmashauri utaongozwa na:-
- (a) Meya
  - (b) Kama Meya hayupo, Naibu Meya au
  - (c) Kama Meya na Naibu Meya/ wote hawapo, au kama Meya na Naibu Meya wote hawawezi kuongoza Mkutano, Mjumbe yejote atachaguliwa na Wajumbe kutoka mionganini mwa Wajumbe waliohudhuria kwa ajili ya kuongoza Mkutano huo,
  - (d) Wajumbe wawapo ndani ya ukumbi wa Mikutano wa Halmashauri watavaa mavazi maalum yaliyochaguliwa na kushonwa maalum kwa ajili
- (4) Iwapo wakati wa kumchagua Meya au Naibu Meya jina moja tu limependekezwa, Wajumbe watapiga kura za siri za “**ndiyo**” au “**hapania**”na endapo kura za “**ndiyo**” zitazidi asilimia hamsini ya kura zote zilizopigwa basi mgombea atatangazwa kuwa Meya au Makamu Meya.
- (5) Iwapo kura za “**Hapania**” zitazidi asilimia hamsini ya kura zote zilizopigwa, jina la mgombea mwingine litapendekezwa kwa njia na utaratibu uliotumika hapo awali.
- (6) Iwapo kura zitafanana, uchaguzi utarudiwa kwa mara ya pili na endapo hata baada ya kurudia uchaguzi kura zimefanana, Baraza litaamua kugawana muda wa kuwa madarakani kwa wagombea hao ambao kura zao zimefanana.
- (7) Kama itatokea nafasi wazi ya Meya/Mwenyekiti au Naibu Meya/Makamu Mwenyekiti, Halmashauri itamchagua Meya/Mwenyekiti au Naibu Meya/ Makamu Mwenyekiti katika muda wa siku zisizozidi sitini tangu nafasi hiyo ilipotokea.

hiyo,

- (e) Endapo vazi maalum lililochaguliwa na Halmashauri ni joho basi litavaliwa juu ya vazi la Mjumbe, na Endapo Halmashauri haina joho basi Mjumbe atavaa vazi la heshima, na mavazi kama jeans, kofia zinazohusiana na dini na sare za Chama hazitaruhusiwa kuvaliwa wakati wa Mikutano ya Halmashauri na vikao vya Kamati za Kudumu za Halmashauri,
- (f) Vazi rasmi la Meya, Mkurugenzi na Naibu Meya litakuwa lenye kuonyesha rangi za Bendera ya Taifa na mazao yanayolimwa kwa wingi katika eneo la Halmashauri kadri Halmashauri itakavyoona inafaa. Hata hivyo, Kanuni hii haitaathiri majoho ambayo yanatumika kabla ya Kanuni hii,
- (g) Endapo katika Mkutano huo Halmashauri itajigeuza kuwa Kamati, Wajumbe watavua majoho.
- (h) Endapo Baraza litajigeuza kuwa Kamati taratibu za kuendesha Vikao vya Kamati zitatumika na kikao hicho kitakua cha siri.

- (2) Madaraka au jukumu lolote la Meya kuhusiana na uendeshaji wa Mikutano yanaweza kutekelezwa na mtu anayeongoza Mkutano huo.
- (3) Halmashauri itatenga siku mbili kila wiki kwa ajili ya Meyas kufika ofisini na kutekeleza majukumu yafuatayo;
  - (a) Kusikiliza matatizo ya Wananchi;
  - (b) Kupata maelezo toka kwa Mkurugenzi kuhusu uendeshaji wa shughuli za Halmashauri ikiwa ni pamoja na masuala ya manunuzi;
  - (c) Kusaini mikataba mbalimbali ya Halmashauri;
  - (d) Kushughulikia jambo ambalo Mkurugenzi ataona

		linahitaji kushughulikiwa au kutekelezwa na Meya.
Kumbukumb u mahudhurio	12 (1)	Kila Mjumbe anayehudhuria Mkutano wa Halmashauri au Kamati yoyote ya Halmashauri ambamo yeye ni Mjumbe hatahudhuria Mkutano huo mpaka awe ameweka saini yake kwenye Rejesta ya mahudhurio inayotunzwa na Mkurugenzi kwa ajili hiyo.
	(2)	Isipokuwa siku ya kufanyika kwa Mikutano ya Baraza au Kamati ambayo Diwani ni Mjumbe au pale atakapoitwa kutekeleza majukumu ya Serikali, si ruhusa kwa Diwani kuwa katika Ofisi za Halmashauri na kufanya shughuli ambazo hazihusiani na Halmashauri au Serikali.
Kuruhusu watu na vyombo vy habari kwenye Mikutano ya Halmashauri	13 (1)	Mikutano ya Halmashauri itakuwa wazi kwa watu wote pamoja na vyombo vyahabari.
	(2)	Halmashauri itapaswa kuutangazia Umma kuhusu muda, wakati na mahali pa Mkutano na italiweka tangazo hilo mahali panapoonekana kwa urahisi katika eneo la Halmashauri siku zisizopungua tatu kabla ya Mkutano, na kama Mkutano umeitishwa katika muda mfupi zaidi basi wakati wa kuitisha Mkutano huo.
Utaratibu wa shughuli za Mikutano	14 (1)	Isipokuwa kama Halmashauri, kutokana na sababu za dharura, itaamua kubadili utaratibu wa shughuli za Mikutano, utaratibu wa shughuli katika kila Mkutano wa kawaida wa Halmashauri utakuwa kama ifuatavyo:-  (a) Meya/Mwenyekiti akiongozwa na Katibu ataingia ukumbini baada ya Mratibu wa vikao

kutoa ishara maalum kuashiria Meya/  
Mwenyekiti kuingia ukumbini na Wajumbe  
watasimama na kukaa kimya mpaka pale  
Meya/Mwenyekiti atakaporuhusu Wajumbe  
kukaa

- (b) Mkutano utaanza kwa Sala au Dua itakayosomwa na Meya/Mwenyekiti,
- (c) Endapo Meya/Mwenyekiti au Naibu Meya/Makamu Mwenyekiti hawatakuwepo, Wajumbe watachagua mtu wa kuongoza kikao,
- (d) Baada ya Sala/Dua kusomwa Mkurugenzi na Meya/Mwenyekiti wa Halmashauri watajibu maswali ya papo kwa papo kutoka kwa Wajumbe wa Baraza la madiwani kwa utaratibu na mpangilio kama ilivyooneshwa kwenye Kanuni hizi,
- (e) Kupokea na kujadili taarifa za kwenye Kata kutoka kwa Madiwani wa Kata husika,
- (f) Kujadili jambo lolote linalotakiwa kwa mujibu wa Sheria kushughulikiwa kabla ya shughuli nyingine yoyote,
- (g) Kupokea taarifa yoyote inayopaswa kupokelewa kisheria kabla ya shughuli nyingine yoyote,
- (h) Kusoma au kuthibitisha muhtasari wa Mkutano wa kawaida wa Halmashauri uliopita na Mikutano yoyote maalum ya Halmashauri iliyofanyika baada ya Mkutano huo wa kawaida. Hata hivyo iwapo nakala za mihtasari zimesambazwa kwa kila Mjumbe kabla au wakati wa kupeleka taarifa ya kuhudhuria Mkutano, mihtasari hiyo itachukuliwa kuwa imesomwa,
- (i) kupokea taarifa yoyote ambayo Meya/Mwenyekiti atapenda itolewe kwa Halmashauri,
- (j) Kujibu maswali kufuatana na Kanuni ya 23 ya Kanuni hizi,
- (k) Kumalizia shughuli yoyote iliyobaki katika

- Mkutano wa kawaida uliopita,
- (l) Kupokea na kufikiria taarifa za Kamati za Halmashauri, kutoka kwa Wenyeviti wa Kamati ambao watahusika kujibu maswali ya Wajumbe kuhusiana na kazi za Kamati husika,
  - (m) Kupokea na kujadili taarifa kutoka kwa Mkurugenzi wa Halmashauri,
  - (n) Kuidhinisha utiaji lakiri katika hati,
  - (o) Kufikiria hoja binafsi kufuatana na jinsi zilivyopokelewa, na,
  - (p) Kushughulikia mambo mengine yaliyoonyeshwa katika taarifa ya Mkutano.
- (2) Halmashauri inaweza, katika Mkutano wowote wa kawaida, kubadili utaratibu wa hoja za mazungumzo ili kutoa kipaumbele kwa shughuli yoyote ambayo kwa maoni ya Meya/Mwenyekiti na uharaka wa pekee, lakini mabadiliko hayo hayatabadilisha mpangilio wa shughuli zilizotajwa katika aya (c), (f) na (g) za Kanuni ya 14(1) ya Kanuni hii.
- Kuthibitisha muhtasari 15 (1) Katibu ataandika muhtasari wa mazungumzo ya kikao unaozingatia majina ya Wajumbe waliohuduria na wasiohuduria, jina la mtoa hoja, aliyeunga mkono hoja, mabadiliko ya hoja kwa ufupi, ushauri uliotolewa na azimio lililofikiwa. Muhtasari huo utasomwa, kurekebishwa, kuthibitishwa na kusainiwa na Mwenyekiti wa Mkutano na kutunzwa katika rejestra maalum ya mihtasari.
- (2) Mara baada ya kusoma Muhtasari, au kama itachukuliwa kama umesomwa Mwenyekiti atauliza swali “Je Muhtasari wa Mkutano wa Halmashauri wa tarehe..... ya mwezi..... Mwaka.....utiwe saini kama kumbukumbu sahihi?.”
- (3) Hakuna hoja au majadiliano yatakayofanywa kuhusiana

na muhtasari isipokuwa kuhusiana na usahihi wa muhtasari, kama hakuna swali liloulizwa, basi mara baada ya kuthibitishwa Meya/Mwenyekiti atatia saini katika muhtasari huo.

- (4) Muhtasari ambao utakuwa umesainiwa vilivyo na kama hakuna ushahidi wa kuwepo kwa makosa utakuwa kumbukumbu sahihi na Mkutano utahesabika kuwa umeitishwa na kufanyika vilivyo na Wajumbe waliohudhuria watahesabika halali.
- (5) Mihtasari ya Halmashauri itakuwa wazi kwa ukaguzi na Wajumbe na kwa umma kwa wakati unaofaa na kwa utaratibu utakaokubaliwa na Halmashauri na kwamba mtu yejote anaweza kupewa sehemu ya muhtasari huo kama akiomba na baada ya kulipa ada kama itakavyoidhinishwa na Halmashauri.

Hoja za 16  
Meya/Mwen  
yekiti

Hoja zinazowasilishwa na Meya/Mwenyekiti hazitazidi hoja tatu, bila kuathiri haki yake, kama Mjumbe ya kuwasilisha hoja katika taratibu za kawaida.

Taratibu za 17 (1)  
majadiliano

Isipokuwa kwa idhini ya Halmashauri mtoe hoja atahutubia Mkutano wa Halmashauri kwa dakika zisizozidi kumi. Wajumbe wengine ikiwa ni pamoja na mtoe hoja watazungumza kwa muda usiozidi dakika tano kila mmoja;

- (2) Mjumbe anaruhusiwa kuzungumza mara moja katika hoja yoyote ile isipokuwa hoja inayowasilishwa bila mjadala;
- (3) Mtoe hoja atakuwa na haki ya kuzungumza kwa muda usiozidi dakika tano katika kujibu majadiliano na muda huo utaanza kuhesabika mara atakapoanza kuchangia au kujibu. Mratibu wa vikao atatoa ishara maalum kumjulisha mtoe hoja kuwa muda wake umeisha na

mjadala juu ya hoja hiyo utafungwa. Utaratibu huu wa kuhesabu muda utatumika pia kwa Mjumbe yeoyote atakayepewa muda wa kuchangia hoja na mara tu baada ya kujibu, mjadala juu ya hoja utafungwa;

- (4) Mjumbe yeoyote aliye kwishachangia kwenye hoja hawezi kutoa au kuunga mkono marekebisho, ila marekebisho yakinolewa na kuungwa mkono, Mjumbe aliye kwishazungumza katika hoja ya awali anaweza kuzungumza kwenye hoja iliyorekeblishwa kwa muda usiozidi dakika tatu;
- (5) Iwapo Wajumbe wawili au zaidi watasimama wakati mmoja kuzungumza, Mjumbe atakayetamkwa na Meya/Mwenyekiti ndiye atakayepewa nafasi kwanza;
- (6) Bila kuathiri masharti ya Kanuni Ndogo ya (5) ya Kanuni hii, Meya/Mwenyekiti atahakikisha kuwa, nafasi ya kuchangia inatolewa kwa uwiano unaofaa miiongoni mwa aina zote za uwakilishi wa Madiwani walioomba kuchangia hoja hiyo;
- (7) Mjumbe anapozungumza ataelekeza mazungumzo yake kwa Meya/Mwenyekiti tu na atapaswa kusimama;
- (8) Mjumbe anapozungumza hatakatizwa, isipokuwa kwa suala la utaratibu, lakini anaweza kutoa nafasi kwa Mjumbe anayetaka kujieleza;
- (9) Mjumbe anaposimama kutoa taarifa kuhusu utaratibu, Mjumbe anayezungumza ataketi na atabaki ameketi hadi hoja ya utaratibu itakapokuwa imeamuliwa na Meya/Mwenyekiti, isipokuwa kama anasimama kumweleza Meya kuhusu suala la utaratibu;
- (10) Meya/Mwenyekiti ndiye pekee mwenye uamuzi kuhusu utaratibu katika Mikutano ya Halmashauri, na

- anayo madaraka ya kuzuia fujo na kuhakikisha kuwa maamuzi yake katika kusimamia usalama yanatekelezwa mara moja. Wakati wa majadiliano Meya/Mwenyekiti akisimama, Mjumbe anayezungumza au aliyesimama ataketi na hakuna Mjumbe atakayesimama hadi Meya/Mwenyekiti aketi;
- (11) Hakuna Mjumbe atakayebaki amesimama wakati Mjumbe mwingine anaelekeza mazungumzo yake kwa Meya/Mwenyekiti;
- (12) Mkurugenzi wa Halmashauri atajibu swalilolote atakaloulizwa na Meya/Mwenyekiti kutokana na shughuli zinazoendelea kwenye Mkutano isipokuwa kama atadai haki ya kukataa kujibu swalikwa msingi ya kwamba jibu linaweza kumweka hatiani au kuvunja uaminifu wake au linamhusisha ye ye kama mtetezi mahakamani;
- (13) Hakuna mtu kwa niaba yake mwenyewe, au kwa niaba ya watu wengine walio kwenye ujumbe wa watu, atakayeruhusiwa kuzungumza katika Mkutano wa Halmashauri isipokuwa kwa idhini ya Halmashauri iliyotolewa kwa njia ya azimio. Idhini ya namna hiyo haitatolewa isipokuwa kama mtu huyo au watu hao wanaotaka kuihutubia Halmashauri watakuwa wamempatia Mkurugenzi au Afisa aliyeruhusiwa naye, taarifa ya muda usiopungua siku tisa kabla ya Mkutano wa Halmashauri ambamo wangetaka maombi yao yafikiriwe kupewa idhini, maombi ya kimaandishi ikieleza jambo linalotarajiwa kujadiliwa, na mpaka taarifa ya kupokelewa kwa maoni hayo itakapokuwa imebandikwa kwenye mbao za matangazo za Halmashauri;
- (14) Hakuna zaidi ya watu wawili watakaokuwa na haki ya kuhutubia Halmashauri kwa niaba ya uwakilishi; na

		wala hakuna ujumbe utakaozidi idadi ya watu watano watakaoruhusiwa;
	(15)	Kiwango cha juu cha muda wa kuzungumza na Halmashauri ikiwa ni pamoja na muda wa kusoma risala hakitazidi dakika kumi;
Fujo zinazosababis hwa na Wajumbe	18	<p>(1) Katika Mkutano wowote wa Halmashauri kama Mjumbe wa Halmashauri ataonyesha kukosa heshima kwa madaraka aliyonayo Meya/Mwenyekiti au kudharau Kanuni za Kudumu za Halmashauri kwa kuzuia kwa makusudi shughuli za Halmashauri zisiendelee au vinginevyo, Meya/Mwenyekiti ataaelekeza Mkutano kwa tukio hilo kwa kumtaja jina mtu anayehusika.</p> <p>(2) Endapo baada ya kutajwa jina mjumbe ataendelea kudharau madaraka ya Meya/Mwenyekiti, basi Meya/Mwenyekiti ataliomba Baraza kuahirisha shughuli za Mkutano na Meya/Mwenyekiti atatafakari jambo hilo na kuagiza yafuatayo;</p> <p>(a) Mjumbe atolewe nje ya Mkutano kama mjumbe wa Halmashauri na kumzuia kuhudhuria vikao vitatu mfululizo pamoja na haki zake zote.</p> <p>(b) Mjumbe kuzuiliwa kuhudhuria vikao vitatu mfululizo na kupoteza haki zake zinazohusiana na vikao hivyo.</p> <p>(3) Iwapo kutatokea fujo kubwa katika Mkutano wowote wa Halmashauri, Meya/Mwenyekiti anaweza kama ataona ni muhimu kufanya hivyo, kuahirisha Mkutano bila majadiliano au swalii, au kusimamisha Mkutano kwa muda atakaoona unafaa.</p>
Fujo	19	(1) Iwapo mtu yejote kati ya umma unaohudhuria

<p>zinazosababis hwa            na umma</p>	<p>Mkutano wa Halmashauri atavuruga Mkutano wa Halmashauri, Meya/Mwenyekiti atamuonya mtu huyo aache kufanya hivyo. Endapo mtu huyo ataendelea kuvuruga Mkutano, Meya/Mwenyekiti ataamuru mtu huyo atolewe kwenye chumba cha Mkutano.</p>
	<p>(2) Endapo kutakuwa na vurugu katika sehemu yoyote ya chumba cha Mkutano kinachotumika na umma, Meya/Mwenyekiti ataamuru kuondolewa kwa watu wote walio katika eneo hilo.</p>
<p>Hoja            na 20      (1) marekebisho ya hoja</p>	<p>Taarifa ya kila hoja, isipokuwa hoja iliyowasilishwa chini ya Kanuni ya 21, itawasilishwa kwa maandishi yaliyowekwa saini na Diwani au Madiwani waliota taarifa, na itapelekwa kwa Mkurugenzi angalau siku nne kabla ya Mkutano wa Halmashauri unaofuata na akishaipokea, Mkurugenzi atagonga tarehe na kuipa namba na kuiingiza kwenye daftari kadri hoja zilivyowasilishwa, na daftari hiyo itakuwa wazi kukaguliwa na Mjumbe yeyote wa Halmashauri.</p>
<p>(2)</p>	<p>Mkurugenzi ataonyesha katika taarifa ya kila Mkutano wa Halmashauri hoja zilizowasilishwa na kwa kadri zilivyopokelewa isipokuwa kama Diwani aliyetoa hoja hiyo ameeleza kwa maandishi wakati alipoleta hoja hiyo, kwamba anataka kuitoa katika Mkutano utakaofanyika baadaye, au baada ya kuwasilisha ameifuta hoja hiyo kwa maandishi.</p>
<p>(3)</p>	<p>Iwapo hoja ambayo imeonyeshwa katika taarifa ya Mkutano haiwezi kutolewa na Mjumbe aliyewasilisha taarifa; au na Mjumbe mwingine yeyote kwa niaba yake, basi hoja hiyo, isipokuwa kama imeahirishwa kwa idhini ya Halmashauri, itachukuliwa kama imeondolewa na haitawasilishwa tena bila ya kutoa taarifa upya.</p>

- (4) Iwapo hoja itahusu jambo linalohusu Kamati au Kamati mbalimbali baada ya kupendekezwa na kuungwa mkono, hoja hiyo itapelekwa bila majadiliano kwenye Kamati ambayo Halmashauri itaelekeza ili iweze kufikiriwa na kutayarishiwa taarifa.
- (5) Ni lazima kila hoja ihusu jambo ambalo Halmashauri ina uwezo na wajibu nalo, au iwe inahusu Halmashauri ya husika.
- (6) Marekebisho ya hoja yaliyopendekezwa na kuungwa mkono yanaweza kuondolewa tu kwa ridhaa ya Wajumbe wa Halmashauri walio wengi waliopo katika Mkutano.
- (7) Marekebisho ya hoja yanapokuwa yamethibitishwa, hoja ya msingi kama ilivyorekebishwa itatolewa na Meya/Mwenyekiti kama ndiyo hoja ya msingi ambayo nayo inaweza kufanyiwa marekebisho. Kama marekebisho ya hoja hayakukubaliwa, rekebisho lingine linaweza kupendekezwa.
- (8) Kwa idhini ya Meya/Mwenyekiti, zaidi ya rekebisho moja linaweza kutolewa kwa wakati mmoja mbele ya Mkutano wa Halmashauri, lakini kila rekebisho la namna hii litatolewa moja baada ya jingine kufuatana na jinsi mapendekezo hayo yalivyotolewa.
- (9) Rekebisho halitachukuliwa kuwa sahihi kama litakuwa sawa na kuikataa hoja moja kwa moja au kama si rekebisho la hoja ya msingi linalokusudiwa kurekebisha.
- (10) Rekebisho ambalo halikutolewa taarifa, halitapendekezwa baada ya mjadala wa hoja inayozungumzwa kuendelea kwa nusu saa, ila kwa mujibu wa sharti hili, taarifa ya idadi yoyote ya marekebisho inaweza kutolewa.

- (11) Hoja ya kufuta azimio itapitishwa na Wajumbe wasiopungua theluthi mbili ya Wajumbe wote.
- (12) Hoja ya kuzingatia taarifa ya Kamati au kuidhinisha majadiliano au mapendekezo ya Kamati inaweza kutolewa na Mwenyekiti wa Kamati husika, au na Mjumbe yejote wa Kamati husika kwa niaba yake.
- (13) Mjumbe yejote ambaye hajachangia katika mjadala wa hoja, au hajaitolea marekebisho, anaweza kupendekeza "kwamba Halmashauri iendelee na shughuli inayofuata". Hoja ya aina hiyo inaweza tu kuzingatiwa baada ya hoja kupendekezwa na kuungwa mkono. Hoja inapotolewa, itaamuliwa bila marekebisho au mjadala, na kama ikikubaliwa, shughuli iliyokatizwa na azimio hilo haitaendelea kujadiliwa katika kikao hicho. Hoja ya kupendekeza kuendelea na shughuli inayofuata haitatolewa zaidi ya mara moja katika mjadala wa jambo lolote.
- (14) Baada ya mjadala kuhusu hoja kuendelea kwa muda usiopungua nusu saa, Mjumbe ambaye hajachangia katika majadiliano anaweza kuomba idhini ya kutoa hoja "kwamba suala lililo mbele yetu sasa liamuliwe" na kama idhini hiyo itatolewa kwa kukubaliwa na si chini ya Wajumbe watano, hoja "kwamba suala lililo mbele yetu sasa liamuliwe" itawasilishwa mara moja, na kama ikiafikiwa, mtoa hoja ya msingi anaweza kuzungumza kwa dakika zisizozidi tano, na baada ya hapo swali au maswali yaliyo mbele ya Halmashauri yatafanyiwa uamuzi.
- (15) Hoja "kwamba suala lililo mbele yetu sasa liamuliwe" haitatolewa zaidi ya mara moja katika mjadala unaoendelea kuhusu jambo lolote mpaka hapo mjadala utakapokuwa umeendelea kwa angalau nusu saa tangu

			kuwekwa mbele ya Mkutano hoja ya aina hiyo ilipopendekezwa awali.
Hoja zinazoweza kutolewa bila taarifa	21		<p>Hoja zifuatazo zinaweza kutolewa bila taarifa.</p> <ul style="list-style-type: none"> <li>(a) Kumchagua Mwenyekiti wa Mkutano ambamo hoja imetolewa.</li> <li>(b) Hoja kuhusu usahihi wa muhtasari, kufunga Mkutano, kuahirisha Mkutano, utaratibu wa Mkutano, au suala linalofuata.</li> <li>(c) Kuteua Kamati au Wajumbe wa Kamati, au wawakilishi katika taasisi za nje, unaotokana na jambo lililotaarifiwa katika wito wa Mkutano.</li> <li>(d) Kukubali taarifa na mapendekezo ya Kamati na maazimio yote yanayotokana na taarifa au mapendekezo hayo;</li> <li>(e) Kwamba idhini itatolewa kuiondoa hoja.</li> <li>(f) Kusahihisha hoja.</li> <li>(g) Kuongeza muda wa hotuba.</li> <li>(h) Kuwa, jambo lililotajwa katika taarifa ya kuitisha Mkutano litangulie.</li> <li>(i) Kusimamisha Kanuni za kudumu;</li> <li>(j) Kwamba Mjumbe asisikilizwe tena au aondoke katika Mkutano.</li> <li>(k) Kumwomba Mjumbe abakie Mkutanoni, na</li> <li>(l) Kutoa idhini ya Halmashauri pale ambapo idhini inatakiwa kwa mujibu wa Kanuni za kudumu hizi.</li> </ul>
Haki kujibu	ya 22	(1)	Mtoa hoja atakuwa na haki ya kujibu maswali wakati wa kufunga mjadala juu ya hoja; kabla ya hoja kupigiwa kura au kabla ya hoja kutolewa "kwamba kikao kiahirishwe,
		(2)	Mjumbe anayetumia haki yake ya kujibu hataanzisha hoja nyingine mpya,
		(3)	Baada ya kutolewa kwa jibu ambalo linahusiana na Kanuni hizi, uamuzi utafikiwa bila majadiliano zaidi.
Maswali	23	(1)	Mjumbe anaweza kumuuliza Mwenyekiti wa Kamati swali lolote kuhusu muhtasari wa Kamati uliofikishwa

- Maswali ya 24 (1) papo kwa papo'
- (2) mbele ya Halmashauri,  
Kila swali litaulizwa na kujibiwa bila majadiliano,
  - (3) Swali au maswali yatajibiwa na Mwenyekiti wa Kamati mara moja, na Mjumbe anayeuliza maswali hayo hatanyimwa haki yake ya kujadili hoja ambayo maswali hayo yanarejewa au kutoa hoja ya marekebisho,
  - (4) Pale ambapo swali la maandishi limeelekezwa kwa Mwenyekiti wa Kamati, au Mkutano na taarifa inayotakiwa imo katika mojawapo ya mihtasari ya Halmashauri, kuonyesha sehemu ya muhtasari ambapo habari hiyo imeonyeshwa, kutachukuliwa ni jibu la kutosha.
- (1) Halmashauri itatenga muda wa angalau dakika thelathini katika kila Mkutano wa Kawaida wa Halmashauri ambapo Meya/Mwenyekiti na Mkurugenzi wa Halmashauri watajibu maswali ya papo kwa papo kutoka kwa Wajumbe kabla ya kuanza kwa shughuli ya kawaida za Mkutano wa Halmashauri.
  - (2) Wajumbe ambao watataka kuuliza maswali ya papo kwa papo kwa Meya/Mwenyekiti na Mkurugenzi watatakiwa kujiorodhesha kwanza kwa Meya/Mwenyekiti angalau masaa ishirini na nne(24) kabla ya Mkutano wa Halmashauri kuanza.
  - (3) Mjumbe yoyote ambae hatajiorodhesha kwa Meya/Mwenyekiti ndani ya masaa ishirini na nne atahesabika kuwa amechelewa na hataruhusiwa kumuuliza Mkurugenzi au Mwenyekiti swali la papo kwa papo.
  - (4) Kabla ya kuanza kwa kipindi cha maswali ya papo kwa papo Mwenyekiti au Meya atataja majina ya Wajumbe waliojiorodhesha kuuliza maswali ya papo kwa papo na idadi ya maswali,

- (5) Meya/Mwenyekiti ataweka utaratibu ambao ataona unafaa na kuridhiwa na Wajumbe wa namna bora ya kuendesha kipindi cha swali la papo kwa papo.
- (6) Mjumbe hataruhusiwa kuuliza zaidi ya swali moja la papo kwa papo.
- (7) Maeneo ya muhimu ambayo Wajumbe watatakiwa kuuliza maswali ya papo kwa papo:-
- (a) Uendeshaji wa jumla wa Halmashauri;
  - (b) Utekelezaji wa miradi ya Maendeleo;
  - (c) Mipango ya kimkakati ya Halmashauri kuwaondolea wananchi umaskini;
  - (d) Mipango ya baadaye ya maendeleo ya Halmashauri;
  - (e) Usimamizi na utekelezaji wa Mipango na Bajeti kwa mwaka husika;
  - (f) Utoaji wa huduma za jamii kama vile elimu, afya, maji, barabara na madaraja;
  - (g) Hifadhi ya mazingira na utunzaji wa vyanzo vya maji;
  - (h) Usalama wa Chakula, Raia na Mali zao;
  - (i) Utawala Bora na utatuzi wa kero za wananchi.
- (8) Baada ya kujibiwa kwa swali, Mjumbe aliyeuliza swali atapewa fursa ya kuuliza swali moja tu la ufanuzi na maswali yatajibiwa bila mjadala.
- (9) Meya/Mwenyekiti atakua na uwezo wa kuruhusu au kukataa swali lolote la papo kwa papo ambalo litaonekana linahitaji takwimu au utafiti zaidi au swali ambalo linalenga kumdhaliisha Meya/Mwenyekiti au mjambe ye yote wa Baraza na uamuzi wake utakuwa wa mwisho.

- (10) Mara baada ya muda wa nusu saa kumalizika, kipindi cha maswali ya papo kwa papo kitamalizika na kuruhusu shughuli zingine za kikao kuendelea
- Taarifa za 25 (1) Kila Kamati au Kamati ya pamoja iliyoteuliwa chini ya Kanuni hizi itatoa, katika mojawapo ya vikao viwili vya Halmashauri iliyoteua Kamati, Kamati ya pamoja au Kamati Ndogo, taarifa ya majadiliano yanayohusiana na utekelezaji majukumu iliyokasimiwa, kwa ujulisho wa Halmashauri.
- (2) Muhtasari wa Kamati unaohitaji idhini ya Halmashauri, na taarifa zozote zinazohusiana na muhtasari huo, na ambazo zinaonekana kwa Kamati kuwa zinastahili, zitapelekwa kwa kila Mjumbe wa Halmashauri angalau siku saba kabla ya Mkutano wa Halmashauri ambamo utafikiriwa.
- (3) Mwenyekiti wa Kamati, au Mjumbe mwingine wa Kamati kwa niaba yake, wakati wa kupendekeza kuidhinishwa kwa muhtasari wa Kamati, anaweza kusema kuwa hakusudii kuwasilisha kipengele au vipengele fulani vya muhtasari huo kwa lengo la kupata idhini ya Halmashauri. Katika hali hiyo Mjumbe ye yote hataweza kukizungumzia kipengele au vipengele hivyo na muhtasari utawasilishwa bila vipengele hivyo. Kuondolewa kwa kipengele cha aina hiyo kutatolewa taarifa kwenye Mkutano unaofuata.
- (4) Taarifa ya Kamati inapokuwa imepokelewa na Halmashauri itamaanisha kuwa hatua zilizochukuliwa na Kamati husika zimekubaliwa na mapendekezo yaliyo kwenye taarifa hiyo yatakelezwa na kwamba Mkurugenzi atakuwa ameelekezwa ipasavyo.
- Taarifa za 26 (1) Kila Kata itatakiwa kuwasilisha taarifa za utekelezaji katika Mkutano wa Halmashauri ulioitishwa chini ya kutoka

kwenye Kata

Kanuni ya 3(1) ya Kanuni hizi;

- (2) Taarifa za utekelezaji kutoka katika Kata zitawasilishwa na Diwani wa Kata husika, au kama diwani hayupo, taarifa hiyo itawasilishwa na Diwani wa Viti Maalum anayeishi katika Kata hiyo na kama Diwani Viti Maalum hayupo, Meya atamtaarifu mapema Diwani yeote ili ajiandae kuwasilisha taarifa hiyo;
- (3) Kutakuwa na aina tatu za taarifa zitakazowasilishwa:-
- (a) Taarifa ya utekelezaji wa miradi ya maendeleo katika Kata ambayo itajumuisha ujenzi wa Madarasa, Nyumba za Walimu, Matundu ya Vyoo, Maabara, Viwanja vya Michezo, Vituo vya Afya, Zahanati, Madaraja, Barabara, Mashamba darasa, Ofisi za Vijiji, Mitaa, Kata na Tarafa; Idadi ya watu na vizazi
- (b) Taarifa zinazohusu hali ya Kata ambazo zitajumuisha-
- (i) Maendeleo ya Elimu katika Kata kuhusiana na uandikishaji wa watoto wenyewe umri wa kwenda shule, ufundishaji, utoro, hali ya mahudhurio, mimba mashulenii, ukaguzi na uratibu wa shule.
- (ii) Hali ya majanga kama vile magonjwa ya mlipuko, mafuriko, njaa, na hali ya uhalifu na vifo.
- (iii) Maendeleo ya Kilimo, mifugo na uvuvi ambayo itajumuisha upatikanaji wa wataalamu, zana za kisasa na pembejeo za kilimo, mifugo na uvuvi.
- (iv) Uimarishaji wa dhana ya uzalendo na utaifa kwa kuhamasisha vijana kuanzisha na

kujiunga na vikundi vya Vijana Wagani kazi na mafunzo ya Jeshi la Mgambo, ulinzi shirikishi na polisi jamii.

(c) Taarifa ya utekelezaji wa miradi ya Maendeleo na taarifa ya hali ya Kata sharti ijumuise pia taarifa za shughuli za kiuchumi, taarifa ya mavuno ya mazao ya chakula na biashara pamoja na taarifa ya utunzaji wa mazingira na vyanzo vya maji.

(4) Mkurugenzi wa Halmashauri atahakikisha taarifa kutoka kwenye Kata, zinaandaliwa na kuwasilishwa na Diwani wa Kata hiyo kwenye Baraza la Madiwani ili ipitiwe na kuchambuliwa kwa nia ya kupata hoja zitakazowasilishwa katika Vikao vya Kamati husika na kutoa mrejesho.

Mafanikio na changamoto (5) Mwasilishaji wa taarifa atatakiwa kuelezea mafanikio yaliyopatikana, changamoto zilizo jitokeza na mbinu za kukabiliana nazo.

(6) Mbinu za kukabiliana na changamoto sharti ziwekewe malengo na muda maalum wa kuzitatu.

(7) Taarifa za mapokeo ya fedha na matumizi yake zitakazokuwa zimeandaliwa na Afisa Mtendaji wa Kata, zitawasilishwa sanjari na miradi iliyotekelizwa na gharama zake.

(8) Baada ya taarifa kutoka kwenye Kata kupokelewa na Halmashauri, itamaanisha kuwa taarifa hizo zimeidhinishwa na mapendekezo yaliyomo kwenye taarifa yatakelezwa na Halmashauri, na Kata kupewa taarifa ya utekelezaji wa majukumu hayo.

Uhuru kutoa wa 27

Kutakuwepo na uhuru wa kutoa mawazo wakati wa majadiliano katika Mikutano ya Halmashauri na uhuru

mawazo wakati wa majadiliano		huo hautaweza kuhojiwa katika mahakama yoyote au mahali popote nje ya Mkutano wa Halmashauri.
Kauli zenyе 28	(1)	Inapotokea, kulingana na maoni ya Mwenyekiti au mtu yeyote anayeongoza Mkutano, kuwa kauli iliyotolewa na Mjumbe inakashifu mtu yeyote, Mwenyekiti atamtaka Mjumbe aliyetoa kauli hiyo kufuta kauli yake na kumwomba msamaha mtu aliyekashifiwa kwa maandishi ndani ya muda wa siku saba tangu kauli hiyo ya kashfa ilipotamkwa.
	(2)	Endapo Mjumbe aliyetoa kauli za kashfa atakataa kufuta kauli yake na kuomba msamaha kwa maandishi kama inavyoelekezwa katika Kanuni Ndogo (1) ya Kanuni hii. Meya/Mwenyekiti wa Mkutano, atamsimamisha Mjumbe huyo kuhudhuria vikao vitatu mfululizo vya Halmashauri.
	(3)	Mjumbe aliyesimamishwa kwa mujibu wa kanuni Ndogo(2) ya Kanuni hii atapoteza haki zake zote ikiwa ni pamoja na posho, nauli na upendeleo na kinga kwa muda wote wa kusimamishwa kwake;
Maamuzi ya 29 Mikutano ya Halmashauri	(1)	Masuala yote yaliyojadiliwa na kupendekeza katika Mkutano wowote wa Halmashauri yataamuliwa kulingana na wingi wa kura za Wajumbe waliohudhuria Mkutano huo, na ikitokea kura za Wajumbe zikalingana, basi Meya/Mwenyekiti au Mjumbe yeyote mwingine anayeongoza Mkutano, atapiga kura ya turufu mbali ya kura ya kawaida.
	(2)	Iwapo suala linalopigiwa kura linahusu kutokuwa na imani au kumwondoa Mwenyekiti madarakani, au jambo lolote lingine kama itakavyoamuliwa na Halmashauri, kura zitapigwa kwa siri.
Mwaliko kwa 30	(1)	Meya/Mwenyekiti, baada yakushauriana na Wajumbe,

wasiokuwa Wajumbe kushiriki na kuzungumza kwenye vikao vya Halmashauri		anaweza kumwalika mtu yeyote kuhudhuria na kuzungumzia jambo lolote, au kushiriki kwa njia yoyote, katika Mkutano wowote wa Halmashauri lakini mwalikwa huyo hatakuwa na haki ya kupiga kura katika Mkutano huo.
	(2)	Wakuu wa Idara za Halmashauri na Maafisa Tarafa wanapaswa kuhudhuria Mikutano yote ya Halmashauri lakini hawatakuwa na haki ya kupiga kura katika Mikutano hiyo.
Mihtasari ya 31 Kamati ya Maendeleo ya Kata ,Mitaa/Vijiji		Mkurugenzi wa Halmashauri atahakikisha mihtasari yote ya Kamati za Maendeleo za Kata, na Mikutano Mikuu ya Mitaa inapitiwa na kuchambuliwa kwa nia ya kupata hoja zitakazowasilishwa katika vikao vya Kamati husika na kutoa mrejesho inavyopaswa.
Mihtasari ya 32 Halmashauri kupelekwa kwa Mkuu wa Wilaya na Mkuu wa Mkoa	(1)	Mihtasari ya Halmashauri itatolewa na kupelekwa kwa taarifa, kwa Mkuu wa Wilaya na Mkuu wa Mkoa ambamo Halmashauri imo katika muda wa siku 7 baada ya kuthibitishwa kwa miutasari hiyo.
	(2)	Mkuu wa Wilaya na Mkuu wa Mkoa wanaweza kupewa, wakiomba, nakala ya miutasari au sehemu ya mihtasari ya Kamati za Kudumu na Kamati nyingine.
	(3)	Wakuu wa Wilaya na Wakuu wa Mkoa hawatabadilisha au kubatilisha au kuagiza kubadilisha au kubatilisha uamuzi wa Halmashauri.
Hoja kuhusu 33 matumizi		Hoja yoyote isiyotokana na mapendekezo au taarifa ya Kamati ya Fedha na Utawala, na ambayo, kama ikikubaliwa, itaongeza matumizi au kupunguza mapato yaliyo chini ya usimamizi wa Kamati yoyote, au itasababisha matumizi ya Kamati ya Kudumu, baada ya kupendekezwa au kuungwa mkono, itaahirishwa bila majadiliano mpaka Mkutano wa kawaida wa

		Halmashauri unaofuata, na Kamati yoyote inayohusika na hoja hiyo itafikiria iwapo ingependa kutoa taarifa kuhusu athari za kifedha za pendekezo hilo.
Kupokelewa kwa taarifa za Kamati	34	(1) Taarifa ya Kamati inapowasilishwa kwenye Halmashauri, hoja itakuwa "kwamba taarifa ipokelewe" na baada ya kukubaliwa na Wajumbe taarifa itaanza kujadiliwa kipengele kimoja baada ya kingine.  (2) Mapendekezo yoyote yaliyomo katika taarifa hiyo yatapigiwa kura iwapo Mjumbe yejote atapenda iwe hivyo. Baada ya hapo taarifa nzima itawasilishwa mbele ya Mkutano kwa kupokelewa ikiwa na au bila marekebisho.
Kuidhinishw a kwa taarifa ya Kamati	35	Taarifa ya Kamati inapokuwa imepokelewa na Halmashauri itamaanisha kuwa hatua zilizochukuliwa na Kamati iliyowasilisha taarifa hiyo zimeidhinisha na mapendekezo yaliyo kwenye taarifa yatakelezwa na kwamba Mkurugenzi wa Halmashauri atakuwa ameelekezwa kama inavyotakiwa.
Uhalali wa majadiliano ya Halmashauri	36	Uhalali wa majadiliano kwenye Halmashauri hautaathiriwa na nafasi yoyote wazi ya Mjumbe, dosari zozote zilizo katika uchaguzi au uteuzi wa Wajumbe wa Kamati au zile za maafisa wake.
Uwezo wa Halmashauri kujigeuza kuwa Kamati ya Halmashauri nzima	37	Halmashauri inaweza kujigeuza kuwa Kamati ya Halmashauri, na mara baada ya kujigeuza, taratibu za kuendesha vikao vya Kamati za Kudumu zitatumika.
Hoja zinazohusu Watumishi	38	Kama litajitokeza jambo lolote katika kikao cha Halmashauri linalomhusu Mtumishi yejote wa Halmashauri kuhusu Uteuzi, kupandishwa cheo,

wa Halmashauri		kufukuzwa kazi, mishahara, mazingira ya kazi au utendaji kazi kwa jumla wake, jambo hilo litajadiliwa katika Kamati ya Halmashauri nzima.
Kushiriki kwa Umma	39 (1)	Mtu yejote ambaye ni mkazi katika eneo la Halmashauri anaweza kuhudhuria kikao cha Halmashauri kwa nia ya kuwasilisha hoja mbele ya Halmashauri, baada ya kutoa taarifa kwa maandishi kwa Mkurugenzi, na Mkurugenzi akamkubali kufanya hivyo.
	(2)	Mtu yejote ambaye ni mkazi katika eneo la Halmashauri anaweza kualikwa kuhudhuria kikao cha Kamati au Kamati Ndogo kabla uamuvi haujafanyika kuhusu masuala ambayo ana maoni mahsusini.
Uahirishaji wa vikao	40 (1)	Kwa kuzingatia masharti ya Kanuni Ndogo ya (2) ya Kanuni 18 na Kanuni Ndogo ya 2 ya Kanuni hii, Halmashauri haitaahirisha Mkutano wake hadi dondoo zote za agenda ya Mkutano huo zitakapojadiliwa na kutolewa uamuvi.
	(2)	Pale ambapo katika Mkutano wowote wa Halmashauri akidi haikutimia, Wajumbe waliopo wataahirisha Mkutano na utaratibu wa kuitisha Mkutano mwingine utafanyika kwa kuzingatia maelekezo ya Kanuni hizi.
		<b>SEHEMU YA IV KAMATI</b>
Kamati za Kudumu	41 (1)	Halmashauri katika Mkutano wake wa mwaka itateua Wajumbe wa Kamati za Kudumu zifuatazo ambazo zitakuwa na idadi ya Wajumbe (ukimwondoa Meya au Mwenyekiti wa Halmashauri isipokuwa katika Kamati

ya Fedha na Utawala) kama inavyoonyesha hapa chini au kama itakavyorekebishwa na Halmashauri mara kwa mara. Isipokuwa katika kuteua Wajumbe wa Kamati ya Fedha na Utawala, Meya/Mwenyekiti na Mkurugenzi watazingatia uwiano wa uwakilishi wa vyama katika Halmashauri.

Kamati	Idadi ya Wajumbe	Akidi
(a) Kamati ya Fedha na Utawala	.....	.....
(b) Kamati ya Uchumi, Afya na Elimu.	.....	.....
(c) Kamati ya Mipango Mij,Ujenzi na Mazingira.	.....	.....
(d) Kamati ya Maadili ya Madiwani	.....	.....
(e) Kamati ya UKIMWI	.....	.....

- (2) Kila Mjumbe wa Halmashauri atakuwa Mjumbe wa angalau Kamati moja ya Kudumu. Kamati ya Fedha na Utawala itakuwa na Wajumbe wafuatao;
- (a) Meya/Mwenyekiti wa Halmashauri ambaye atakuwa Mwenyekiti.
  - (b) Naibu Meya.
  - (c) Mbunge au Wabunge wa Majimbo wanaowakilisha Majimbo katika eneo la Halmashauri.
  - (d) Wenyeviti wa Kamati za Kudumu za Halmashauri.
  - (e) Wajumbe wengine wasiozidi wawili (2) watakaopendekezwa na Mwenyekiti au Meya na kupigiwa kura na Baraza la Halmashauri mmoja kati yao awe mwanamke.

- (3) Halmashauri yenye Madiwani wasiozidi ishirini(20), idadi ya wajumbe wa Kamati wa Fedha itakuwa kama ilivyoonyeshwa kwenye Kanuni ya 41(2) ya Kanuni hizi

- (4) Bila kuathiri masharti ya Kanuni Ndogo ya (2) ya Kanuni hii, Halmashauri yenyе idadi ya Madiwani wanaozidi ishirini (20) na wasiozidi thelathini na tano (35) Wajumbe wa Kamati ya Fedha watakuwa kama ilivyoonyeshwa kwenye Kanuni ya 41(2) pamoja na wajumbe wengine wawili (2) watakaotokana na orodha itakayopendekezwa na Mwenyekiti au Meya na kupigiwa kura na Baraza la Halmashauri mmoja kati yao awe wanawake.
- (5) Bila kuathiri masharti ya Kanuni Ndogo ya (2)(3) na (4) ya Kanuni hii, Halmashauri yenyе idadi ya Madiwani wanaozidi thelathini na tano(35) na zaidi Wajumbe wa Kamati ya Fedha watakuwa kama ilivyoonyeshwa kwenye Kanuni ya 41(2) pamoja na wajumbe wengine wanne(4) watakaotokana na orodha itakayopendekezwa na Mwenyekiti au Meya na kupigiwa kura na Baraza la Halmashauri wawili kati yao wawe wanawake.
- (5) Wajumbe wa Kamati za Kudumu watashika nyadhifa zao kwa muda wa mwaka mmoja na wataendelea kushika nyadhifa hizo mpaka Mkutano wa mwaka wa Halmashauri unaofuata. Isipokuwa Wajumbe waliochaguliwa kwenye Mkutano wa kwanza baada Uchaguzi Mkuu watashika nyadhifa zao kwa muda uliobaki kumaliza Mwaka wa Fedha ambapo Uchaguzi utafanyika tena.
- (6) Halmashauri inaweza wakati wowote kuvunja na kuunda upya Kamati ya Kudumu iliyoteuliwa kwa mujibu wa Kanuni hii ya kudumu, endapo kufanya hivyo kutakuwa ni kwa manufaa ya Halmashauri.
- (7) Hakuna Halmashauri itakayounda Kamati ya Kudumu mpya zaidi ya Kamati zilizotajwa kwenye Kanuni ya 41(1) hapo juu, isipokuwa baada ya kuomba na kupata

idhini ya maandishi kutoka kwa Waziri.

- (8) Maombi ya Halmashauri ya kuanzisha Kamati mpya ya Kudumu lazima yakidhi na yawe na maelezo yafuatayo;
- a)Upekee wa majukumu yanayoombewa kuundwa kwa Kamati ya Kudumu mpya na majukumu hayo yawe ambayo hayawezi kutekelezwa na Kamati za Kudumu zilizopo na zilizotajwa kwenye Kanuni ya 41(1) hapo juu,
- b)Gharama za uendeshaji wa Kamati hiyo kwa mwaka,
- c)Kuundwa kwa Kamati ya Kudumu hiyo mpya ni hitaji la lazima na ni kipaumbele cha Halmashauri na jamii kwa ujumla.
- (9) Kamati yoyote itakayoundwa na Halmashauri bila idhini ya Waziri itakuwa batili na maamuzi yake yote yatakuwa batili.
- Meya/Mweny 42  
ekiti wa  
Halmashauri  
kuwa Mjumbe  
wa Kamati  
moja
- Meya/Mwenyekiti wa Halmashauri atakuwa Mjumbe wa Kamati zote za kudumu za Halmashauri.
- Uwezo wa 43
- Kamati zote za Halmashauri zitawasilisha taarifa zao kwa Halmashauri, na hakuna hatua itakayochukuliwa kutekeleza uamuzi wowote wa Kamati yoyote mpaka hapo taarifa ya Kamati husika itakapokuwa imekubaliwa na Halmashauri, isipokuwa pale ambapo idhini ya kuchukua hatua imekasimiwa kwa Kamati.
- Kamati za 44 (1)
- Halmashauri inaweza kukubaliana na Halmashauri nyingine kuteua Kamati ya pamoja kutokana na

Wajumbe wao kwa madhumuni yoyote yale ambayo wana maslahi ya pamoja, na Halmashauri hizo zinaweza kukasimu kwa Kamati hiyo ya pamoja, kutegemea na masharti na mipaka zitakazoweka kama watakavyoona inafaa, madaraka au kazi ya Halmashauri zinazohusiana na madhumuni yaliyozifanya ziunde Kamati hiyo, isipokuwa shughuli zile ambazo Halmashauri haziruhusiwi kukasimu.

- Kukasimu  
madaraka  
kwenye  
Kamati
- 45 (1) Muundo na muda wa kazi wa Wajumbe wake na mipaka ya eneo ambamo Kamati hiyo ya pamoja itafanya kazi, itapangwa na Halmashauri zinazoiteua.
- (2) Kamati ya pamoja haitaingia katika gharama zozote zaidi ya zile ambazo zimeidhishwa na mamlaka iliyoteua Kamati hiyo.
- (3) Kufuatana na Kanuni Ndogo ya (2) ya Kanuni hii pamoja na masharti mengine ambayo Halmashauri itaona inafaa, Halmashauri inaweza kukasimu kwa Kamati uwezo wa kutekeleza kazi yoyote kwa niaba yake.
- (2) Halmashauri haitakasimu kwa Kamati yoyote uwezo wa:-
- (a) Kutunga Sheria Ndogo;
  - (b) Kuweka na kutoza kodi;
  - (c) Kuidhinisha makadirio ya mapato na matumizi ya Halmashauri;
  - (d) Kutoza ada na ushuru;
  - (e) Kuidhinisha mpango na Bajeti ya Halmashauri;
  - (f) Kuingia mikataba mbalimbali ikiwa ni pamoja na mikataba ya kukopa,
  - (g) Kupitisha mpango wa utoaji huduma.
- (3) Kazi za kila Kamati ya Kudumu ya Halmashauri ni kama zilivyoonyeshwa katika jedwali la Kanuni za

kudumu hizi.

- (4) Halmashauri inaweza kusitisha au kurekebisha uamuzi wa kukasimu madaraka yoyote kwa Kamati, lakini usitishaji au urekebishi haji huo hautaathiri jambo lolote lililofanywa kutokana na uamuzi wowote uliochukuliwa kihalali na Kamati.
- (5) Shughuli yoyote iliyoteklezwa na Kamati kutokana na kukasimiwa kwa mujibu wa Kanuni hii itatambuliwa kuwa imefanywa au kutekelezwa na Halmashauri.

- Kamati Ndogo 46
- (1) Kamati yoyote au Kamati ya pamoja inaweza kuteua Kamati Ndogo kutokana na Wajumbe wake kadri itakavyoona inafaa kwa ajili ya kuchunguza na kutoa taarifa kuhusu jambo lolote, lakini Kamati haitakasimu madaraka yake ya kiutendaji kwa Kamati Ndogo yoyote.
  - (2) Idadi ya Wajumbe wa Kamati Ndogo pamoja na muda watakaotumikia vitaamuliwa na Kamati iliyoteua Kamati Ndogo hiyo.
  - (3) Mwenyekiti wa Kamati atakuwa Mjumbe wa Kamati Ndogo yoyote kwa mujibu wa wadhifa wake isipokuwa kama atamfahamisha Mkurugenzi kwa maandishi kuwa hatakuwa Mjumbe wa Kamati hiyo.
  - (4) Kila Kamati Ndogo inaweza kumteua mmoja wa Wajumbe wake kuwa Mwenyekiti wa Kamati Ndogo husika.
- Mikutano ya 47
- (1) Mikutano wa kwanza wa Kamati utaitishwa na Mkurugenzi ndani ya mwezi mmoja baada ya Kamati kuteuliwa na baada ya hapo kulingana na ratiba ya Mikutano kama itakavyoidhinishwa na Halmashauri.

- (2) Taarifa ya angalau saa ishirini na nne yenyé ajenda za kikao itabidi kutolewa kwa Wajumbe kabla ya Mkutano wa Kamati.
- (3) Idadi ya Kamati haitazidi idadi ambayo itawekwa na Waziri kutokana na uwezo aliopewa chini ya kifungu cha 75(3) cha Sheria.
- Mwenyekiti wa Kamati 48 (1) Katika kikao chake cha kwanza baada ya Mkutano wa mwaka wa Halmashauri na kabla ya kuendelea na shughuli yoyote nyingine, kila Kamati itamchagua Mwenyekiti wa Kamati kwa mwaka unaohusika.
- (2) Mwenyekiti wa Kamati, isipokuwa Kamati ya Fedha na Utawala, atachaguliwa kwa kura ya siri ya Wajumbe walio wengi kwa kupiga kura ya siri kwenye eneo la faragha litakalotengwa na Mkurugenzi kwa ajili hiyo.
- (3) Meya/Mwenyekiti wa Halmashauri atakuwa pia Mwenyekiti wa Kamati ya Fedha na Utawala.
- (4) Endapo nafasi ya Mwenyekiti wa Kamati itakuwa wazi katika kipindi cha mwaka husika, Mkurugenzi atatoa taarifa kwa Wajumbe wote wa Kamati kuwa katika kikao kijacho cha kawaida cha Kamati husika dondoo ya kumchagua Mwenyekiti wa Kamati kwa kipindi cha mwaka kilichosalia itakuwa ya kwanza katika agenda.
- Mkutano maalum wa Kamati 49 (1) Mkutano Maalum wa Kamati utaitishwa baada ya theluthi mbili ya Wajumbe wa Kamati kuomba kwa maandishi kuwa Mkutano huo ufanyike na kueleza sababu.
- (2) Taarifa ya Mkutano Maalum wa Kamati itaonyesha shughuli itakayofanyika katika Mkutano huo Maalum huo na hakuna jambo jingine lolote litakalojadiliwa katika Mkutano huo.

Ajenda za Kamati	50	Mjumbe wa Kamati atakuwa na haki ya hoja zake kuwekwa katika ajenda ya Kamati kama atatoa taarifa ya angalau siku nne kabla ya tarehe ya kikao.
Mahudhurio katika Mikutano ya Kamati	51	Mjumbe wa Kamati ya Kudumu au Kamati Ndogo, ambaye ameshindwa kuhudhuria Mkutano wa Kamati Ndogo, hataruhusiwa kutuma mtu mwingine kumwakilisha kwenye Mkutano wa Kamati au Kamati Ndogo.
	(2)	Mjumbe wa Halmashauri hatakuwa na haki ya kuhudhuria kikao chochote cha Kamati au Kamati Ndogo ambamo yeye si Mjumbe, isipokuwa kama Kamati au Kamati Ndogo inayohusika imemwalika kuhudhuria, na hata hivyo hatakuwa na haki ya kupiga kura au kudai posho kwa kuhudhuria Mkutano huo wa Kamati au Kamati Ndogo.
Mjenga hoja kualikwa kwenye Mkutano wa Kamati	52	Mjumbe wa Halmashauri anayewasilisha hoja ambayo imepelekwa kwenye Kamati atapewa taarifa ya Mkutano wa Kamati ambamo hoja yake imepagwa kuzungumzwa na kama atahudhuria atapewa nafasi ya kuizungumzia.
Waalikwa wasiokuwa Wajumbe kuhudhuria na kushiriki katika Mikutano ya Kamati	53	Mwenyekiti wa Kamati, Kamati ya pamoja au Kamati Ndogo baada ya kushauriana na Wajumbe wa Kamati, Kamati ya pamoja na Kamati Ndogo, anaweza kumwalika mtu ye yeyote kuhudhuria na kuzungumza kwenye Mkutano kuhusu suala lolote au kushiriki kwa namna yoyote kwenye kikao cha Kamati, lakini mtu huyo atakayealikwa hatakuwa na haki ya kupiga kura kwenye Mkutano huo.
Mahudhurio ya umma na vyombo vya habari kwenye	54	Majadiliano katika Kamati, Kamati ya pamoja au Kamati Ndogo hayatakuwa wazi kwa umma na vyombo vya habari, isipokuwa kwa kutokana na azimio la Halmashauri linaloruhusu kuwa umma na vyombo vya

- Mikutano ya  
Kamati na  
Kamati Ndogo
- Athari za 55 (1) habari vihudhurie.
- Athari za 55 (1) Kunapotokea nafasi wazi kwenye Kamati, Kamati ya pamoja au Kamati Ndogo, Kamati itaendelea kutekeleza shughuli zake licha ya kuwepo kwa nafasi wazi hiyo au hizo au mpaka nafasi hiyo au hizo zitakapo jazwa kwa njia ya uchaguzi au uteuzi. Mjumbe atakaye jaza nafasi hiyo atashika nafasi wazi hiyo kwa kipindi kilichosalia cha Mjumbe ambaye nafasi yake imekuwa wazi.
- (2) Uhalali wa tendo lolote au maamuzi ya Mkutano wowote wa Kamati hautaathiriwa kutokana na hitilafu katika uteuzi wa Mjumbe aliyeshika nafasi hiyo au nafasi hizo kuachwa wazi na Mjumbe, au Wajumbe au Mjumbe au Wajumbe kuamua kutoka kwenye kikao kwa lengo la kukwamisha jambo linalotaka kutolewa maamuzi na Kamati hiyo.
- Akidi kwenye 56  
Mikutano ya  
Kamati
- Endapo Wajumbe waliohudhuria Mkutano hawatafikia akidi ya Mkutano, Mkurugenzi ataahirisha Mkutano huo na kuuitisha tena ndani ya siku saba (7) na endapo akidi haitatimia tena, idadi yoyote ya Wajumbe waliohudhuria itatengeneza akidi ya Mkutano ambapo mkutano huo utaendelea na utakuwa halali na Mkurugenzi atamjulisha Waziri kuwepo kwa hali hiyo.
- Kanuni za 57 (1) Kanuni ya 17 ya Kanuni hizi za Kudumu itatumika, baada ya kufanya marekebisho yanayostahili, kwenye Mikutano ya Kamati za Halmashauri.
- (2) Mjumbe anapozungumza katika Mkutano wa Kamati atakuwa ameketi na anaweza kuzungumza zaidi ya mara mbili juu ya jambo linalojadiliwa.

Upigaji kura 58 kwenye Mikutano ya Kamati	Masuala yote yanayoletwa mbele ya Kamati yataamuliwa kwa wingi wa kura za Wajumbe waliohuduria na kupiga kura kwenye Mkutano husika. Endapo kunatokea kura mlingano mtu anayeongoza kikao hicho atakuwa na kura ya turufu.
Mihtasari ya 59 Kamati	<p>(1) Muhtasari wa kila Kamati, Kamati ya pamoja na Kamati Ndogo, utajumuisha majina ya Wajumbe waliohuduria na wasiohuduria, na utasainiwa kwenye Mkutano unaofuata na mtu aliyeongoza Mkutano na muhtasari uliosainiwa hivyo, kama hakuna ushahidi wa kuwa una makosa, utapokelewa kwa ushahidi bila uthibitisho zaidi.</p> <p>(2) Hakuna hoja au mjadala utakaoendeshwa kuhusiana na muhtasari wa Kamati isipokuwa kuhusu usahihi wa suala lolote linalohusu usahihi litatolewa kwa hoja.</p>
Kufikiriwa upya maamuza 60	Pale ambapo suala lililowasilishwa limeamuliwa kwa mujibu wa Kanuni ya 58, suala hilo halitaanza kujadiliwa upya katika Mkutano huo wa Kamati isipokuwa kama hoja hiyo inaungwa mkono na theluthi mbili ya Wajumbe waliohuduria na kupiga kura.
Kutunza siri 61 za majadiliano ya Kamati na Kamati Ndogo	Mjumbe wa Kamati au Kamati Ndogo hatatoa nje jambo lolote lilioletwa au kuzungumzwa kwenye Kamati au Kamati Ndogo bila ruhusa ya Kamati hiyo, au kuzungumza kwenye Kamati Ndogo mpaka hapo Kamati hiyo au Kamati Ndogo hiyo itakapokuwa imetoe taarifa kwenye Halmashauri au itakapokuwa imekamilisha utekelezaji wa jambo hilo.
Kujiuzulu wadhifa wa Mwenyekiti wa Kamati 62	Mwenyekiti wa Kamati anaweza kujiuzulu wadhifa wake kwa kutoa taarifa ya maandishi aliyoisaini na kutuma kwa Mkurugenzi.
Kujiuzulu 63	(1) Mjumbe yejote wa Kamati anaweza kujiuzulu wadhifa

ujumbe      wa Kamati      na kujazwa    kwa nafasi iliyowazi	wake kwa kutoa taarifa ya maandishi aliyoisaini na kuituma kwa Mkurugenzi.
(2)	Nafasi inayotokana na kuijuzulu kwa Mjumbe itajazwa na Halmashauri katika kikao chake cha kawaida baada ya tarehe ya kuijuzulu kwa Mjumbe.
	<b>SEHEMU YA V</b> <b>UNUNUZI WA VIFAA, UPATIKANAJI WA</b> <b>HUDUMA NA UJENZI</b>
Taratibu za 64 (1) uagizaji Sura ya 290	<p>Uagizaji wa mali, huduma na ujenzi katika Halmashauri utazingatia Kanuni za Manunuzi zilizotungwa chini ya kifungu cha 68 cha Sheria za Fedha za Serikali za Mitaa,Sura ya 290 na Sheria ya Manunuzi ya mwaka 2011.</p> <p>(2) Kutakuwepo na Bodi ya Zabuni ambayo imeanzishwa kwa mujibu wa Kanuni za Bodi ya Zabuni (Uanzishwaji na Mwenendo) za Serikali za Mitaa na ambayo itasimamia shughuli zote za uagizaji katika Halmashauri.</p> <p>(3) Muhtasari wa Bodi ya Zabuni utapaswa kuwasilishwa kwenye kikao kifuatacho cha Halmashauri baada ya muhtasari huo kujadiliwa na kupitishwa kwanza na Kamati ya Fedha na Utawala.</p>
Kumbukumbu za majadiliano yanayohusu uagizaji 65	Bodi ya Zabuni ya Halmashauri itaweka kumbukumbu ya majadiliano yanayohusu taratibu za ununuzi zikiwa na angalau taarifa zifuatazo:-
	<p>(a) Maelezo mafupi kuhusu vitu, ujenzi au huduma zinazotarajiwa kutolewa na haja iliyosababisha Bodi kuitisha zabuni.</p> <p>(b) Majina na anuani ya Wazabuni waliowasilisha</p>

zabuni, maelezo kuhusu sifa au ukosefu wa sifa za wazabuni waliowasilisha zabuhi zao.

- (c) Bei au msingi wa upangaji wa bei na muhtasari wa masharti mengine muhimu ya kila zabuni na ya kila mkataba wa uagizaji wa mali, huduma na ujenzi.
- (d) Muhtasari wa tathmini na mlinganisho wa zabuni pamoja na upendeleo uliokuwepo katika tathmini hiyo.
- (e) Kama zabuni zilikataliwa tamko kuhusu uamuzi huo na sababu za uamuzi huo.
- (f) Kama utaratibu mwingine wa kupata vitu au huduma mbalimbali ya utaratibu wa zabuni ndio uliotumika, basi tamko kuhusu sababu zilizoifanya Bodi iamue kutumia utaratibu huo mwingine.
- (g) Kama zabuni ilikataliwa kwa kuwa mzabuni alitoa, alikubali kutoa moja kwa moja au kwa njia isiyo ya moja kwa moja, kwa mtumishi wa sasa au wa zamani wa Halmashauri, bakshishi ya aina yoyote, ahadi ya kumwajiri au kitu chochote kinachohusiana na ajira au chenye thamani, kama hamasisho kwa utendaji au uamuzi au utaratibu wa kutumia, tamko kuhusu jambo hilo.
- (h) Katika upataji wa huduma, sababu na hali iliyofanya Bodi kuchagua utaratibu wa kutumia katika upataji huo wa huduma.
- (i) Katika upataji wa vitu au huduma ambao Bodi imeamua kudhibiti ushiriki kwa misingi ya Taifa, Mkoa au Wilaya, tamko kuhusu sababu na hali iliyofanya Bodi kudhibiti ushiriki huo.
- (j) Katika upataji wa vifaa na huduma kwa kuwaomba watoaji kutoa mapendekezo yao moja kwa moja tamko la sababu na hali iliyofanya Bodi kuamua kutumia utaratibu huo, na
- (k) Muhtasari wa maombi yoyote ya ufanuzi kuhusu mchujo wa zabuni au nyaraka za zabuni na majibu yaliyotolewa pamoja na muhtasari wa

marekebisho yoyote yaliyofanywa katika nyaraka hizo.

- (2) Sehemu ya kumbukumbu zilizotajwa kwenye Kanuni Ndogo ya (1) (a) na (b) ya Kanuni hii zitatolewa, kama zikiombwa, kwa mtu yejote baada ya zabuni kutangazwa, kufunguliwa na kukubaliwa, au baada ya kusimamishwa kwa taratibu za uagizaji bila ya kuingia katika mkataba wa uagizaji.
- (3) Sehemu ya kumbukumbu zilizolekezwa katika Kanuni Ndogo ya (1) (c) hadi (g) ya Kanuni hii kama itaombwa, itatolewa kwa wazabuni waliowasilisha zabuni baada ya zabuni kukubaliwa au baada ya kusitishwa bila ya kuingia kwenye mkataba wa utoaji wa vitu au huduma.
- (4) Isipokuwa kama itaelekezwa hivyo na mahakama yenye mamlaka na kutegemeana na masharti ya maelekezo hayo, Bodi haitatoa habari-
  - (a) kama utoaji huo wa habari utakuwa kinyume cha Sheria; utazuia utekelezaji wa Sheria; hautakuwa na maslahi kwa umma; utahatarisha maslahi halali ya kibashara ya wahusika au utazuia ushindani halali; na;
  - (b) habari zinazohusu uchambuzi, tathmini na ulinganisho wa zabuni pamoja na bei mbali ya muhtasari ulioelezwa kwenye Kanuni Ndogo ya (1) (e) ya Kanuni hizi.
- (5) Mara baada ya zabuni kujadiliwa na Bodi, Katibu atamjulisha Mzabuni aliyefanikiwa ili makubaliano ya nyaraka za mkataba yaweze kufikiwa.
- (6) Nakala za muhtasari zitapelekwa kwa siri kwa kila Mjumbe wa Bodi, Mkurugenzi, Mweka Hazina, Mkaguzi wa Ndani na Mkuu wa Idara husika kwa

taarifa na kumbukumbu.

- (7) Kila mzabuni ambaye hakufanikiwa atajulishwa na akiomba sababu za kutokubaliwa kwa zabuni yake atapaswa kupewa sababu.
- (8) Bodi ya Zabuni kwa kuzingatia masharti ya Kanuni za uagizaji itaandaa taarifa ya mwenendo na maamuzi ya zabuni zilizoitishwa na kuwasilishwa kwenye Mkutano wa kawaida wa Halmashauri kupitia Kamati ya Kudumu husika.

Uzuiaji wa 66  
rushwa

Katika mkataba wowote wa kimaandishi, yatawekwa maneno ambayo yataonyesha kuwa Halmashauri itakuwa na haki kusitisha mkataba na kumdai Mkandarasi malipo ya fidia kutokana na kusimamishwa kwa mkataba huo endapo Mkandarasi atabainika kuwa ameahidi kutoa au ametoa, au amekubali kutoa kwa mtu yejote zawadi yoyote au upendeleo wa aina yoyote kama kishawishi au zawadi kwa kufanya au kumpendelea au kutomkubali mtu yejote kuhusiana na mkataba na Halmashauri au kama vitendo hivyo vitakuwa vimefanywa na mtumishi yejote aliyeajiriwa naye au kwa niaba yake iwe Mkandarasi anafahamu au hafahamu atakuwa ametenda kosa chini ya Sheria ya Kuzuia na Kudhibiti Rushwa ya mwaka 2007.

- Usimamiaji wa mikataba 67
- (1) Mkurugenzi wa Halmashauri atawajibika katika usimamiaji na ufuatiliaji mzuri wa Mikataba.
  - (2) Mkataba wa upataji vitu hautabadilishwa kwa namna yoyote ile baada ya kutiwa saini na pande zonazohusika isipokuwa kama mabadiliko hayo ni-
    - (a) kwa faida ya Halmashauri na hayaileti hasara Halmashauri;
    - (b) yamethibitishwa na Bodi ya zabuni ya Halmashauri; na

		(c) Upande mwingine unaafiki.
	(3)	Malipo ya mwisho hayatafanywa mpaka mkataba mzima utakapokuwa umekamilika kutokana na kuridhika kwa Halmashauri na kulingana na vipengele vya mkataba unaohusika.
	(4)	Malipo ya fedha za salio hayatalipwa mpaka upite muda wa miezi sita na kazi iwe haina kasoro.
Uvunjaji wa 68 mkataba		Pale ambapo mkataba uliotiwa lakiri/muhuri na Halmashauri haukuatuwa na mkandarasi, ikiwa ni pamoja na ucheleweshaji usiokuwa wa kimsingi, Mkurugenzi atashauriana mapema iwezekanavyo na Kamati ya Fedha na Utawala kwa kuzingatia taratibu zilizowekwa kwenye mkataba, itaamua hatua muafaka za kuchukua na kumfahamisha Mkandarasi juu ya uamuizi.
Rejesta mikataba ya 69	(1)	Mkurugenzi atatunza maelezo yote ya mikataba kwenye rejesta ya mikataba na atafanya ulinganifu wa malipo halisi na yale yaliyoidhinishwa.
	(2)	Taarifa ya matumizi yote ya ziada lazima yapelekwe kwenye Bodi ya Zabuni yakiambatana na maelezo kutoka kwa Mkurugenzi.
Diwani/Afisa kutokuwa na maslahi katika mikataba 70	(1)	Endapo Diwani au Afisa wa Halmashauri ana maslahi ya kifedha ya moja kwa moja au vinginevyo katika mkataba wowote, mkataba unaopendekezwa au jambo lolote, na yupo kwenye Mkutano wa Halmashauri au Kamati ambapo mkataba huo, au mkataba unaopendekezwa au jambo lingine lolote linajadiliwa, atatangaza jambo hilo mara Mkutano utakapokuwa umeanza na hatashiriki wala kuwepo katika majadiliano au kupiga kura kuhusu jambo linalohusu mkataba au mkataba unaopendekezwa au jambo lingine lolote

ambalo ana maslahi nalo.

- (2) Kanuni hii haitatumika kuhusiana na maslahi katika mkataba au suala lingine ambalo Mjumbe au Afisa wa Halmashauri ana maslahi nalo kama mlipa kodi au mkazi katika eneo lililo katika himaya ya Halmashauri.
- (3) Diwani atahesabika kuwa na maslahi ya moja kwa moja katika mkataba au jambo jingine endapo-
  - (a) yeye au mtu aliyemchagua ni Mjumbe wa kampuni au chombo kingine au anayo hati ya hisa katika kampuni ambayo itaingia, au imependekewa iingie katika mkataba, au anao uhusiano wa kifedha katika jambo linalojadiliwa; au
  - (b) yeye ni mbia au ameajiriwa na mtu ambaye mkataba unafanywa naye, au utakuwa chini yake, au anao uhusiano wa kifedha wa moja kwa moja katika suala linalojadiliwa au kuzungumzwa.
- (4) Katika Kanuni hii maslahi ya moja kwa moja na yasiyo ya moja kwa moja ya mwanandoa au ndugu wa familia kama inafahamika kwa Mjumbe wa Halmashauri itachukuliwa kuwa ni maslahi ya moja kwa moja au yasiyo ya moja kwa moja.
- (5) Taarifa ya jumla itakayotolewa kwa Mkurugenzi na Diwani au Afisa wa Halmashauri kuhusiana na yeye, mkewe, mumewe au ndugu yake kwamba ana maslahi ya moja kwa moja au yasiyo ya moja kwa moja katika mkataba unaokusudiwa au jambo lingine na akieleza aina ya maslahi itachukuliwa, isipokuwa pale atakapoondoa taarifa hiyo, kuwa ametoa taarifa ya kutosha ya maslahi yake kuhusiana na suala ambalo limo katika mjadala.

- (6) Mkurugenzi ataandika taarifa za watu wenye maslahi waliotaa taarifa chini ya Kanuni Ndogo ya (1) na taarifa yoyote iliyomo katika Kanuni Ndogo ya (5) itakuwa wazi kwa ukaguzi wakati wa saa za kazi.
- (7) Halmashauri inaweza baada ya kupata kibali cha Waziri, kuondoa kizuizi chini ya Kanuni hii kinachoifanya ishindwe wakati wowote kufanya Mkutano pale ambapo idadi ya Wajumbe wenye maslahi ni kubwa mno kiasi cha kukwamisha shughuli za Halmashauri au itakuwa ni kwa maslahi ya wakazi wa Halmashauri kuondoa kikwazo hicho.
- (8) Katika Kanuni za Kudumu hizi ,ndugu wa familia itachukuliwa kuwa ni pamoja na baba, mama, mtoto, kaka, au dada na wanandoa wao.

## **SEHEMU YA VI MASUALA MENGINE**

Kiapo na 71  
kukubali  
wadhifa

Kila Diwani kabla ya kushika wadhifa wake kama Diwani na kabla ya Mkutano wa kwanza wa Halmashauri:-

- (a) atakula kiapo kama kilivyoonyeshwa kwenye nyongeza ya kwanza ya Kanuni hizi za kudumu kitakachosimamiwa na Hakimu Mkazi au Hakimu wa Wilaya; na
- (b) atatoa tamko la kimaandishi lililoandikwa kwa Mkurugenzi akiahidi kutekeleza jambo linalohusiana na tamko la maslahi katika shughuli za kibiashara, mali, na kadhalika na kuzifuata Kanuni za Maadili ya Madiwani.

Majukumu ya 72 (1) Diwani atakuwa na majukumu yafuatayo:-

Diwani

- (a) kuwa karibu na wapiga kura na kupata ushauri wa Wananchi katika mambo yanayotarajiwa kujadiliwa kwenye Halmashauri.
- (b) kutoa maoni na mapendekezo ya wananchi kwa Halmashauri.
- (c) kuhudhuria Mikutano ya Halmashauri na ya Kamati au Kamati Ndogo ambamo yeze ni Mjumbe.
- (d) kutenga angalau siku moja kila mwezi kukutana na wananchi katika eneo lake la uchaguzi.
- (e) kutoa taarifa kwa wapiga kura kuhusu maamuzi ya jumla ya Halmashauri na hatua zilizochukuliwa na Halmashauri kuondoa matatizo yaliyowahi kuelezwa na wakazi wa eneo lake la uchaguzi.
- (f) kuchangia ujuzi na uzoefu wake katika majadiliano yanayofanyika katika Mikutano ya Halmashauri na Kamati za Halmashauri, na
- (g) kushiriki katika shughuli za pamoja za maendeleo katika eneo lake la uchaguzi na katika eneo zima la Halmashauri.

(2) Katika kutekeleza wajibu wake diwani atazingatia-

- (a) Maslahi ya Taifa na maslahi ya Wananchi katika eneo la Halmashauri;
- (b) Katiba, Sheria na Kanuni;
- (c) Kanuni za Maadili ya Madiwani, Mwongozo juu ya mahusiano ya Madiwani na Watumishi na miiko mingine.

Nafasi wazi

73 (1)

- Kiti cha Mjumbe wa Halmashauri kitakuwa wazi endapo Mjumbe-
- (a) amefariki;
  - (b) anakubali ajira kama mtumishi wa Halmashauri;

- (c) kwa mujibu wa Sheria yoyote anatangazwa kuwa hana akili timamu;
  - (d) yuko chini ya hukumu ya kifo au kifungo kinachozidi miezi sita kilichotolewa kwake na mahakama;
  - (e) kwa mujibu wa Sheria yoyote anatamkwa kuwa anapoteza sifa za kuendelea kuwa Mjumbe;
  - (f) atakoma kuwa mwanachama wa chama cha siasa kilichompendekeza kuwa mgombea wa kiti cha udiwani;
  - (g) anapokuwa amepatikana na kosa kutokana na Kanuni za Maadili ya Madiwani na adhabu ya kosa alilotenda ni pamoja na kumwondoa Mjumbe madarakani; na
  - (h) anapoteza ujumbe kwa mujibu wa Kanuni ya 71 (2) ya Kanuni hizi za kudumu;
  - (i) anahukumiwa kwa kosa la kutotaja maslahi yake.
  - (j) amejiuzulu kutoka kiti chake;
  - (k) Halmashauri imevunjwa na kuathiri mipaka ya majimbo ya uchaguzi;
  - (l) uchaguzi wa Mjumbe umetangazwa kuwa batili;au
  - (m) bila sababu ya kuridhisha au bila idhini au kibali cha maandishi cha Mwenyekiti, Mjumbe anakosa kuhudhuria Mikutano mitatu ya kawaida inayofuatana ya Halmashauri au Kamati ambamo ye ye ni Mjumbe.
- (2) Waziri atatangaza kiti kuwa wazi pale atakapo julishwa na Meya/Mwenyekiti wa Halmashauri kwa maandishi kwamba kiti kiko wazi kwa kuzingatia masharti ya kifungu cha 42 (1) cha Sheria ya Serikali za Mitaa (Mamlaka za Miji) Sura ya 288.

- Kutokuwepo 74 (1) Halmashauri yaweza kutoa idhini ya kutokuwepo katika Mikutano yake kwa muda usiozidi miezi kumi kwa Mjumbe yejote anayetaka kwenda nje ya Jamhuri ya Muungano wa Tanzania.
- (2) Pale ambapo Mjumbe kwa sababu yoyote ile amekuwa nje ya nchi kwa muda unaozidi miezi kumi kiti chake cha udiwani kitachukuliwa kuwa kipo wazi.
- Taratibu za 75 (1) Pale ambapo Halmashauri inakusudia kutunga Sheria Ndogo itatoa tangazo kwa wakazi wa eneo husika kuhusu kusudio hilo katika namna ambayo itahakikisha kuwa watakaoathirika na Sheria Ndogo inayokusudiwa kutungwa wanafahamu vilivyo na kuwaomba wanaopenda kutoa pingamizi lolote au mapendekezo yao kwa maandishi katika muda uliowekwa.
- (2) Pale ambapo baada ya muda wa taarifa kumalizika hakuna pingamizi au malalamiko yaliyowasilishwa, au hakuna mtu yejote aliyetua kipingamizi kinachokubalika mbele ya Halmashauri, Halmashauri itaendelea kutunga Sheria Ndogo ikizingatia malalamiko na pingamizi zilizotolewa.
- (3) Sheria Ndogo zikishatungwa na Halmashauri zitapelekwa kwa Waziri ili aweze kuziidhinisha.
- (4) Waziri anaweza kuidhinisha, kukubali au kukataa kuidhinisha Sheria Ndogo au kutoa au kusimamisha kibali chake kwa kutoa masharti atakayoyaeleza na anaweza baada ya kutoa idhini yake, kupanga tarehe ya kuanza kutumika kwa Sheria Ndogo hizo.
- (5) Waziri anaweza, kabla ya kuidhinisha Sheria Ndogo zenye athari kwenye maeneo yaliyotengwa au maeneo maalum au kwa Sheria nyingine yoyote, kushauriana na

Waziri anayehusika na Sheria husika au na jambo lililotungiwa Sheria Ndogo kadri itakavyokuwa.

- (6) Sheria Ndogo yoyote iliyotungwa na Halmashauri lazima itangazwe katika Gazeti la Serikali kabla ya kuanza kutumika.

Ukaguzi wa 76 (1) Mjumbe atawenza, kwa madhumuni ya kutekeleza wajibu wake kama Mjumbe, na si vinginevyo, kukagua waraka wowote ambao umejadiliwa na Kamati ya Halmashauri na kama nakala zinapatikana, anaweza kupewa, akiomba, nakala kwa madhumuni hayo hayo.

- (2) Mjumbe hatakagua kwa makusudi au kutaka apewe nakala ya waraka wowote unaohusu jambo ambalo yeye ana maslahi nalo kwa mujibu wa Sheria ya Serikali za Mitaa (Mamlaka za Miji), Sura ya 288. Hata hivyo Kanuni hii haitamzuia Mkurugenzi kuzuia kukaguliwa kwa waraka wowote ambao umezuiiliwa kutolewa kwa mujibu wa Sheria yoyote au Kanuni zilizotungwa chini ya Sheria hizo.

Uanzishaji wa 77 (1) Halmashauri inaweza, kwa mujibu wa kifungu 88 cha Sheria ya Serikali za Mitaa (Mamlaka za Miji), Sura ya 288 kwa madhumuni ya kutekeleza kazi zake katika eneo lililo chini ya mamlaka yake, kuunda Bodi za Huduma kwa hati rasmi iliyotangazwa kwenye Gazeti la Serikali, kama itakavyoona inafaa kufanya hivyo.

- (2) Bodi ya Huduma iliyotajwa katika Kanuni Ndogo ya (1) ya Kanuni hizi itawajibika moja kwa moja kwenye Halmashauri kupitia Kamati ya Kudumu husika na itatekeleza kazi zake kama ilivyofafanuliwa katika hati inayoianzisha.

Diwani 78 (1) Mjumbe wa Halmashauri anaweza kutembelea eneo,

kutembelea  
maeneo, shugh  
uli mbalimbali  
za ujenzi n.k

jengo au shughuli za ujenzi zinazotekelawa na au kwa niaba ya Halmashauri na anaweza kutuma taarifa kwa Mkurugenzi akieleza sababu za matembezi yake ili aweze kupangiwa Wataalam wa mradi au shughuli husika kwa ajili kupata maelekezo ya kitaalam.

- (2) Mjumbe wa Halmashauri anapotembelea shughuli au miradi ya maendeleo inayotekelawa na au kwa niaba ya Halmashauri hataruhusiwa kutoa maelekezo au maagizo ya kitaalam awapo kwenye eneo la mradi.
- (3) Baada ya diwani kutembelea maeneo au majengo kama ilivyoainishwa kwenye Kanuni Ndogo ya (1) ya Kanuni hii anaona kuna umuhimu wa kutoa maoni au mang'amuzi yake juu ya matembezi hayo atafanya hivyo kwa kuwasilisha maoni au mang'amuzi yake kwa Mkurugenzi ambaye atafanya kazi au kuyapeleka kwa afisa anayesimamia kazi husika kwa utekelezaji;
- (4) Endapo maoni au mang'amuzi ya Diwani hayawezi kufanyiwa kazi na Mkurugenzi au Afisa mhusika, basi atamshauri diwani kupeleka maoni na mang'amuzi yake kwa Kamati inayohusika ili yachunguzwe zaidi na kuamuliwa.
- (5) Kamati za Kudumu za Halmashauri zinaweza kutembelea miradi ya maendeleo au shughuli yoyote inayotekelawa na au kwa niaba ya Halmashauri ili mradi katika kutembelea miradi hiyo Kamati itaongozana na Wataalam wa mradi au shughuli husika ili kupata maelekezo ya kitaalam.
- (6) Kamati ya Kudumu itatembelea miradi au shughuli za maendeleo kabla ya Kikao cha Kamati ambacho kitajadili mradi au shughuli hiyo.

Uhifadhi wa 79 Lakiri ya Halmashauri	Lakiri ya Halmashauri itatunzwa kwa usalama na kufungiwa katika Kasiki kwenye Ofisi ya Mkurugenzi mwenyewe.
Utiaji muhuri 80 (1) kwenye nyaraka	<p>Lakiri ya Halmashauri haitabandikwa katika Hati yoyote mpaka ubandikaji huo umeidhinishwa na azimio la Halmashauri likiidhinisha kukubaliwa kwa zabuni, ununuizi, uuzaji au upangishaji au kuchukua mali yoyote, utoaji wa Hati yoyote ya ukopeshaji fedha, uwasilishaji wa madai yoyote, uwekaji wa viwango vya kodi, uingiaji kwenye mkataba, kutunga Sheria Ndogo, au hati yotote iliyo rasmi ambayo kwa mujibu wa Sheria au Kanuni yoyote inahitaji kuwekwa lakiri ya Halmashauri.</p> <p>(2) Lakiri itashuhudiwa au kuthibitishwa na Meya/Mwenyekiti au Naibu Meya/Makamu Mwenyekiti na Mkurugenzi, na hati zilizowekwa lakiri zitasainiwa na Meya/Mwenyekiti au Naibu Meya/Makamu Mwenyekiti, kama hali itakavyokuwa.</p>
Uandikishaji wa anuani 81 (1)	<p>Itakuwa wajibu wa kila Mjumbe katika kikao cha kwanza cha Halmashauri, baada ya uchaguzi kutoa taarifa ya maandishi kwa Mkurugenzi juu ya anuani yake ya kudumu ya kupokelea taarifa. Taarifa zilizopelekwa kwa kutumia anuani iliyoandikishwa itachukuliwa kama ndiyo sahihi na inatosheleza kwa matumizi yote.</p> <p>(2) Iwapo Mjumbe atatoa taarifa ya maandishi kwa Mkurugenzi kuwa angependa taarifa ya Mikutano ya Halmashauri iwe inatumwa kwake kwa kutumia anuani atakayoitaja kwenye taarifa hiyo ambayo ni tofauti na ile katika Kanuni Ndogo ya (1), taarifa yoyote itakayoachwa au itakayotumwa kwa njia ya posta kwa kutumia anwani hiyo itachukuliwa kuwa inatosha kwa ajili ya kutoa taarifa inayotakiwa kwa mujibu wa Kanuni</p>

- za Kudumu hizi.
- Uteuzi wa 82 (1) Katika Mkutano wake wa kwanza, Halmashauri itateua wawakilishi wake kwenye Bodi na Taasisi za nje ambazo Halmashauri inastahili kuwakilishwa.
- (2) Mjumbe au Wajumbe, wanaoiwakilisha Halmashauri kwenye Bodi na Taasisi za nje, watatakiwa kuwasilisha kwa Mkurugenzi taarifa kuhusu shughuli za Bodi au Taasisi zinazogusa Sera na maslahi ya Halmashauri na wakazi wake kijumla na Mkurugenzi atachukua hatua zifaazo.
- Kumwondoa 83 (1) Halmashauri inaweza kumwondoa Meya/Mwenyekiti madarakani kwa azimio linaloungwa mkono na theluthi mbili ya Wajumbe kutokana na hoja au sababu yoyote kati ya sababu zifuatazo:-
- (a) Kutumia nafasi yake vibaya;
  - (b) Kushiriki katika vitendo vya rushwa;
  - (c) Kushindwa kutekeleza majukumu yake
  - (d) Mwenendo mbaya au ukosefu wa adabu; au
  - (e) Ulemavu wa kimwili au kiakili kwa kiasi cha kumfanya kushindwa kutekeleza majukumu yake kama Meya/Mwenyekiti.
- (2) Hoja au sababu zitakazotolewa lazima iwe imetimiza masharti yafuatayo:
- (i) Iwe na tuhuma mahsusini yenye ushahidi wa kutosha
  - (ii) Iwe imetolewa maelezo kamili na yenye kueleweka kuhusu tuhuma zinazohusika.
- (3) Kwa madhumuni ya kumwondoa Meya/Mwenyekiti madarakani, kwa sababu zozote zilizotamkwa chini ya Kanuni Ndogo ya (1) ya Kanuni hii, Halmashauri itatumia taratibu zilizotolewa katika Taratibu za Kumwondoa Meya/Mwenyekiti zilizotangazwa kwenye gazeti la Serikali na Waziri kwa mujibu wa Sheria.

## **SEHEMU YA VII POSHO KWA WAJUMBE**

- Aina za posho 84 (1) Wajumbe wa Halmashauri watalipwa posho mbalimbali kama itakavyopendekezwa na Halmashauri na kuidhinishwa na Waziri.
- (2) Posho zitakazolipwa kwa Wajumbe wa Halmashauri zitakuwa za aina zifuatazo-
- (a) Posho ya usafiri;
  - (b) Posho ya kuhudhuria kikao;
  - (c) Posho ya madaraka;
  - (d) Posho ya kujikimu;
  - (e) Posho ya mwezi.
  - (f) Kiinua mgongo
- (3) Endapo Mjumbe wa Halmashauri ataugua au ataumia wakati akifanya kazi aliyotumwa na Halmashauri, gharama za matibabu yake zitalipwa na Halmashauri.
- Posho endapo 85  
Mkutano  
utaahirishwa
- Endapo Mkutano wa Halmashauri au Kamati utaahirishwa kwa sababu ya kukosekana kwa akidi, Mjumbe au Wajumbe waliofika kwa ajili ya kuhudhuria Mkutano huo ulioahirishwa watastahili malipo yaliyotajwa katika Kanuni ya 84 (2) (a) na (d) iwapo wamelazimika, bila kukusudia, kulala njiani au kwenye Makao makuu ya Halmashauri. Hakuna malipo ya posho ya kuhudhuria kikao yatakayofanywa katika hali ya namna hiyo.

## **SEHEMU YA VIII MABADILIKO KWENYE KANUNI ZA KUDUMU**

- Kusitisha utumiaji 86 (1) Kanuni yoyote inaweza kusitishwa kwa azimio lililoungwa mkono na theluthi mbili za Wajumbe waliohudhuria Mkutano wa Halmashauri kwa hoja wa za

Kudumu		iliyopendekezwa bila taarifa kwa madhumuni ya kuwezesha shughuli yoyote iliyofafanuliwa ili ishughulikiwe na Halmashauri kama jambo la dharura au lenye manufaa.
	(2)	Halmashauri haitasitisha matumizi ya Kanuni yoyote kama kusitisha huko kutasababisha kufanya jambo ambalo limezuiliwa na Sheria au kutofanya jambo linalotakiwa kufanywa chini ya Sheria yoyote.
Marekebisho na mabadiliko ya Kanuni za Kudumu	87	Halmashauri inaweza kubadilisha, kuongeza, kurekebisha au kutengua Kanuni hizi za kudumu kwa azimio lililoungwa mkono kwa wingi usiopungua theluthi mbili ya kura na baada ya kupata idhini ya Waziri.
Kanuni za Kudumu kutolewa kwa Wajumbe	88.	Nakala iliyochapishwa ya Kanuni za Kudumu hizi zitatolewa na Mkurugenzi kwa kila Mjumbe.
Kutafsiri Kanuni za Kudumu	89.	Uamuzi wa Meya/Mwenyekiti kuhusu maana ya matumizi ya Kanuni hizi au mwenendo wa Mkutano wa Halmashauri hautapingwa wakati wa Mkutano wowote wa Halmashauri.
Ziara Wajumbe	90. (1)	<p>Wajumbe wa Halmashauri wanaweza kwenda ziara mbalimbali za mafunzo ili mradi ziara hizo ziwe zimeainishwa kwenye mpango na Bajeti ya Halmashauri. Isipokuwa kwa ziara ambazo gharama zake hazihusiani na Bajeti ya Halmashauri, Wajumbe watafanya ziara hizo kwa mujibu wa ratiba ya mpango huo.</p> <p>(2) Bila kuathiri masharti ya Kanuni Ndogo ya (1) ya kanuni</p>

hii Halmashauri kabla ya kuruhusu kufanyika kwa ziara itahaikikisha kwamba-

- (a) shughuli ya ziara hiyo inafanana na shughuli zinazofanywa na Halmashauri;
- (b) ziara hiyo inapata kwanza kibali cha Mkuu wa Mkoa;
- (c) Wajumbe wanakitu cha kwenda kuonyesha kule wanakokwenda kujifunza;
- (d) ziara zinazofanyika nje ya Mkoa zihusishe wadau mbalimbali wa Halmashauri kutegemeana na ziara husika.
- (e) ziara iwe na matunda yanayoonekana;
- (f) Wajumbe walioshiriki kwenye ziara warejeapo wanatakiwa kuandaa na kuwasilisha ripoti ya maandishi kwa Halmashauri kuhusu mambo mapya na ya msingi waliyojifunza na kuweka utaratibu mzuri wa kuyatekeleza kwenye Kata zao na kwenye Halmashauri;
- (g) Ziara zinafanywa kwa vikundi vyta Wajumbe wachache kadri itakavyokubalika na Halmashauri.

Wimbo wa 91.  
Taifa,Dua/Sala ya kuiombea  
Halmashauri

Kabla ya kuanza kwa Mkutano wa Halmashauri,utaimbwu wimbo wa Taifa na kufuatiwa na Dua au Sala ya kuiombea Halmashauri ifuatayo;

**"Ewe MWENYEZI MUNGU Mtukufu, Muumba wa Mbingu na Dunia umeweka katika Dunia Serikali za Wanadamu ili haki yako itendeke. Twakuomba, uibariki Jiji letu la Mwanza idumishe uhuru, umoja, haki na amani. Uwajalie viongozi wetu wa Jiji hekima, afya njema na maisha marefu ili pamoja na wanaowashauri wadumishe utawala bora. Utuongezee hekima na busara sisi Madiwani wa Halmashauri ya Jiji na utupe uwezo wa kujadili kwa dhati, mambo yatakayoletwa mbele yetu leo, ili tufanye maamuzi**

**sahihi yenye manufaa kwa watu wote na ustawi wa Jiji letu. Amina”.**

Kufutwa kwa 92.  
kanuni  
zilizopo  
(Tangazo la  
Serikali  
Namba 418 la  
mwaka 2003)

Kanuni hizi zinafuta Kanuni za kudumu za Halmashauri ya Jiji la Mwanza za mwaka 2003

Lakili ya Halmashauri ya jiji la mwanza imegongwa kwenye Kanuni hizi za Kudumu na Azimio la Halmashauri katika Agenda Na.5/2014 lilopitishwa tarehe 26/3/2014 Mbele ya

.....  
**STANISLAUS MABULA  
MSTAHIKI MEYA  
HALMASHAURI YA JIJI  
MWANZA**

.....  
**H.H.HIDA  
MKURUGENZI  
HALMASHAURI YA JIJI  
MWANZA**

**NAKUBALI**

.....+  
**MH.MIZENGO PETER PINDA  
WAZIRI MKUU (MB)**

**TAREHE .....**  
**DODOMA.**

**JEDWALI**  
**Chini ya Kanuni ya 42(3)**

**HADIDU ZA REJEA ZA KAMATI ZA KUDUMU  
ZA HALMASHAURI ZA JIJI.**

**Madhumuni ya jumla:**

1. Kuishauri Halmashauri kutengeneza malengo yanayozingatia matakwa ya Jiji na kuchukua hatua ambazo zitaonekana zinafaa ili kufikia malengo yaliyokusudiwa.
2. Kuishauri Halmashauri kufanya maamuzi juu ya Sera muhimu.
3. Kuishauri Halmashauri kufanya maamuzi juu ya utoaji wa huduma kulingana na rasilimali walizo nazo.
4. Kuiwezesha Halmashauri kutengeneza taratibu zitakazoongoza utendaji wa Kamati, Kamati Ndogo, na ule wa watumishi ili watimize wajibu wao.
5. Kufanya mapitio yatakayowezesha Halmashauri kuamua juu ya kuongeza, kupunguza, kubinafsisha au kuwashirikisha wadau katika utoaji wa huduma.
6. Kuhakikisha kuwa miundo na taratibu za utendaji wa Halmashauri zinazingatia ufanisi, uthabiti na tija katika kufikia malengo ya Halmashauri.
7. Kuiwezesha Halmashauri kujenga mahusiano imara kati yake na Serikali kuu, Serikali zingine za Mitaa na Umma kwa ujumla.

**A. Kamati ya Fedha na Utawala:**

**Majukumu ya jumla:**

Kamati hii inawashirikisha Wenyeviti wa Kamati zote za kudumu na inapaswa kukutana kila mwezi mara moja. Aidha,

madaraka ya Kamati hii ni kama ya Kamati zingine za kudumu na hivyo hairuhusiwi kisheria kufanya kazi/majukumu ya Kamati zingine za kudumu. Kwa ujumla, majukumu yake ni pamoja na kusimamia na kudhibiti ukusanyaji wa mapato na matumizi ya mali ya Halmashauri kwa kupitia vikao vyake.

### **Majukumu Maalum ya Kamati:**

- (i) Kuweka mikakati na kupendekeza uongezaji wa mapato
- (ii) Kuwasilisha mapendekezo ya Bajeti na mpango wa Maendeleo kwenye Halmashauri ili kuidhinishwa na Halmashauri.
- (iii) Kusimamia utunzaji wa hesabu za fedha ikiwa ni pamoja na uhakiki wa mali za Halmashauri, ukusanyaji wa mapato, kufuta madeni, na kuomba vibali maalum kwa matumizi yanayohitaji kibali cha Waziri mwenye dhamana ya Serikali za Mitaa.
- (iv) Kufikiria na, pale inapowezekana, kupendekeza kwenye Halmashauri masuala yanayohusu Sheria Ndogo na utendaji katika ngazi za chini za Halmashauri.
- (v) Kupokea na kuzingatia mapendekezo ya kubadili matumizi ya mafungu ya fedha (re-allocation) yaliyopo katika makisio yaliyoidhinishwa na kuyapeleka kwa Halmashauri.
- (vi) Kuratibu mapendekezo kutoka kwenye Kamati zingine kuhusu matumizi ya kawaida na miradi na kuyawasilisha kwenye Halmashauri.
- (vii) Kufikiria na kupendekeza kwenye Halmashauri mikopo yote ya Halmashauri.
- (viii) Kutoa mapendekezo ya vitega uchumi kwa madhumuni ya kuongeza mapato kwa mujibu wa Sheria ya Fedha za Serikali za Mitaa, Sura ya 290.
- (ix) Kupokea na kujadili taarifa za wakaguzi wa fedha na mali ya Halmashauri na kupendekeza hatua za

- kuchukuliwa kutokana na maelekezo na maoni ya wakaguzi kwa mujibu wa Sheria za Serikali za Mitaa, Sura ya 290.
- (x) Kusimamia na kudhibiti matumizi ya fedha za Halmashauri, kwa kuzingatia taratibu zilizowekwa na Waziri na taratibu nyingine zitakazowekwa na Halmashauri;
  - (xi) Kupitia marekebisho yote yaliyopendekezwa hususan kuhusu taratibu za fedha, ikiwa ni pamoja na mapitio ya mara kwa mara yanayohusu thamani ya fedha ambapo Kanuni mbalimbali za manunuzi ya mali na vifaa hutumika;
  - (xii) Kufikiria na kupendekeza mabadiliko ya viwango vya kodi, ada na ushuru mbalimbali, vinavyotolewa na Halmashauri;
  - (xiii) Kufikiria mapendekezo ya Bajeti na Mipango ya Maendeleo ya kila Kamati ya Kudumu na kuiwasilisha kwenye Halmashauri ili kupata idhini;
  - (xiv) Kushughulikia tofauti ya mapato na matumizi katika bajeti yote na kupendekeza hatua stahiki ya kuchukua kuondoa mapungufu katika mapato au ziada matumizi;
  - (xv) Kufikiria mapendekezo yote yanayohusu matumizi makubwa ya fedha kabla hayajawasilishwa kwenye Halmashauri ili kupata idhini;
  - (xvi) Kupokea mahesabu ya mwaka ya Halmashauri na kuhakikisha taarifa ya mahesabu ya mwaka inawasilishwa kwa wakati kwa Mdhibiti na Mkaguzi Mkuu wa Hesabu za Serikali;
  - (xvii) Kupitia na kuidhinisha mpango wa manunuzi wa Halmashauri kwa kuzingatia mpango wa Bajeti uliopitishwa na Halmashauri;
  - (xviii) Kupitia taarifa ya kila robo mwaka kuhusu Manunuzi iliyowasilishwa na Afisa Masuuli;
  - (xix) Kusimamia utekelezaji wa mikataba ya Halmashauri kwa kukagua miradi inayotekelzwa na vifaa vilivyopokelewa;

- (xx) Kumwelekeza Mkurugenzi kufanya manunuzi au ukaguzi wa huduma au vifaa vilivyonunuliwa ili kupata thamani halisi, itafanyika hivyo endapo itadhihirika kwamba, maelezo yaliyotolewa kuhusu manunuzi ya vifaa au huduma hayaridhishi;
- (xxi) Kuidhinisha majina ya wajumbe wa Bodi ya zabuni na wa Bodi zingine kwa mujibu wa Sheria husika;
- (xxii) Kushughulikia orodha ya wadaiwa wote itakayokayowasilishwa kwenye Kamati na kutoa mapendekezo ya hatua za kuchukua;
- (xxiii) Kupendekeza njia na taratibu za kuondosha vifaa chakavu. Uondoshaji wa vifaa unaweza kufanyika kwa njia ya kuuza au kuviharibu;
- (xxiv) Kujadili na kupitia taarifa za fedha za kila mwezi na kila robo mwaka;
- (xxv) Kupendekeza kwa Halmashauri hatua za kuchukua kuhusu kufuta madeni ya Halmashauri;
- (xxvi) Kushughulikia Sera kuhusu kukopa na uwekezaji,
- (xxvii) Kubuni na kupendekeza mpango wa kuanzisha na kuendeleza uhusiano na Halmashauri nyingine.
- (xxviii) Kurekebisha na kusimamia makusanyo na matumizi ya mapato ya vijiji na miji midogo kwa mujibu wa Sheria,
- (xxix) Kuteua wakaguzi wa fedha/mali za Serikali za Vijiji kwa mujibu wa Sheria, Sura ya 290).
- (xxx) Kujadili na kutoa mapendekezo ya hatua za kuchukuliwa kuhusu mambo yote ya yanayohusu masuala ya ajira na kinidhamu ya wafanyakazi na watumishi.
- (xxxi) Kujadili na kutoa mapendekezo kuhusu masuala yanayohusu nyumba za Halmashauri.
- (xxxii) Kupokea na kutoa uamuzi juu ya mapendekezo ya watumishi wanaokwenda masomoni.
- (xxxiii) Kujadili na kupendekeza masuala yote yanayohusu maslahi ya jumla ya watumishi, ikiwa ni pamoja na mikopo, nyumba, usafiri, matibabu, rambirambi na motisha nyinginezo.

(xxxiv) Kupitisha mapendekazo ya kuthibitisha watumishi kazini baada ya kumaliza kipindi cha majaribio kulingana na miundo husika ya utumishi.

## **B: Kamati ya Uchumi, Elimu na Afya:**

### **Majukumu ya Jumla**

Kushughulikia mambo yote yanayohusu afya ya jamii, elimu na huduma za jamii. Kamati hii pia itashughulikia mambo yanayohusiana na jitihada za wananchi vijijini kujiletea maendeleo yao kwa kutumia mbinu mbalimbali ikiwa ni pamoja na kushauri, kushawishi, kuzindua, kuelimisha na kushirikisha wananchi hao hasa katika kutayarisha, kutekeleza, kusimamia na kutathmini mipango yao ya maendeleo.

### **Majukumu maalum ya Kamati:**

- (i) Kuandaa mipango madhubuti ya maendeleo ya upanuzi na ujenzi wa hospitali, vituo vyta afya na zahanati
- (ii) Kuandaa mipago ya maendeleo ya upanuzi na ujenzi wa shule za awali , msingi ,Sekondari na elimu ya watu wazima kwa mujibu wa Sheria ya Elimu ya 1978 kama ilivyorekebishwa mwaka 1995.
- (iii) Kupendekeza mipango ya ujenzi au upanuzi wa vituo,viwanja, majengo na mazingira ya burudani, masoko, starehe, mapumziko na michezo.
- (iv) Kuamua juu ya mambo yanayohusu uhifadhi wa mambo ya kale na mandhari mbalimbali yenye sura nzuri.
- (v) Kuandaa na kuratibu njia bora juu ya uhifadhi wa nyaraka muhimu kwa ajili ya kumbukumbu hizo

zitahifadhiwa kwa mujibu wa Sheria ya Serikali za Mitaa Sura ya 288

- (vi) Kupendekeza njia bora juu ya uhifadhi wa sanaa mbalimbali za ufundi na za maonyesho kwa mujibu wa Sheria ya Serikali za Mitaa Sura ya 288
- (vii) Kupendekeza matumizi mazuri ya lugha ya taifa.
- (viii) Kupendekeza namna ya malezi ya vijana ili waweze kuwa wazalishaji katika Taifa.
- (ix) Kusimamia uanzishaji wa uendelezaji wa vikundi vya jamii na vya hiari vya wananchi katika Halmashauri kwa mujibu wa Sera wa maendelo ya jamii.
- (x) Kusimamia na kuhakiki maeneo ya misitu, mapori, na mbuga zilizotengwa kama hifadhi ya mamlaka ya Serikali za Mitaa.
- (xi) Kupendekeza na kufanya tathmini ya uendelezaji wa mabonde, mito na mabwawa.
- (xii) Kubuni na kupendekeza namna ya kudhibiti moto
- (xiii) Kubuni na kupendekeza mikakati ya utumiaji wa nishati mbadala, kuzuia ukataji miti ovyo, na kuhimiza upandaji miti kwa wingi.
- (xiv) Kuhakikisha kwamba ukaguzi wa majengo unafanyika mara kwa mara.
- (xv) Kupendekeza mipango madhubuti ya ujenzi wa barabara vijijini na wilayani kwa ujumla.
- (xvi) Kupendekeza Sheria Ndogo zinazohusu Kamati hizi.

## **D: Kamati ya Kudumu ya Kudhibiti Ukimwi**

### **Majukumu ya Kamati:**

1. Kushirikisha wadau tofauti katika maeneo husika ili kuongeza uchangiaji wa mawazo na/au nyenzo, usimamizi, uratibu na utekelezaji wa kazi za Tume za kudhibiti UKIMWI;
2. Kusimamia uundaji wa Kamati zote za kudhibiti UKIMWI;
3. Kupendekeza na kuchambua hali ya UKIMWI/Mipango na utekelezaji wake na kufikisha katika ngazi husuka kwa hatua zaidi;
4. Kutathmini hali ya UKIMWI katika eneo lake;
  - (i) Idadi ya waathirika: wagonjwa, yatima, wajane,
  - (ii) Kasi ya maambukizo.
  - (iii) Mazingira maalum yanayochangia maambukizo.
  - (iv) Uelewa wa wananchi juu ya janga hili.
  - (v) Serikali haitatoa fedha kwa Halmashauri isiyokuwa na mipango madhubuti ya kudhibiti UKIMWI.
  - (vi) Kuweka mikakati madhubuti ya kuhakikisha kila mtoto aliyefikia umri wa kwenda shule anafanya hivyo.
  - (vii) Kuweka mikakati ya makusudi juu ya njia bora za kuchangia baadhi ya huduma za Elimu na Afya.
  - (viii) Kubuni na kupendekeza njia bora za kuzuia na kudhibiti magonjwa ya milipuko.
  - (ix) Kupendekeza Sheria Ndogo za Kamati hii.

## **C: Kamati ya Mipango Miji, Ujenzis na Mazingira:**

### **Majukumu ya jumla**

Kamati hii itashughulikia maendeleo ya Ardhi ,Ujenzi na hifadhi ya mazingira katika eneo lake la utawala

### **Majukumu maalum ya Kamati;**

- (i) Kupendekeza mipango ya matumizi ya Ardhi na kutenga maeneo ya Ardhi kwa matumizi mbalimbali au mahususi
- (ii) Kusimamia maombi ya viwanja kulingana na mpango mkakati wa uendelezaji wa mji na kudhibiti ujenzi holela
- (iii) Kupitisha mapendekezo ya ramani, kutenga maeneo ya kutupa taka ngumu na taratibu zote za usafishaji wa mji .
- (iv) Kupitisha bujeti ya Mipango Miji ,Ujenzi na mazingira
- (v) Kupendekeza matumizi ya Maeneo ya wazi na Bustani
- (vi) Kuendeleza mipango ya kutenga maeneo maalum kwa uchimbaji wa madini.
- (vii) Kupendekeza mipango ya uendelezaji wa fukwe kandokando ya ziwa , sehemu za burudani ,starehe , mapumziko ,michezo na sehemu za kuoshea magari
- (viii) Kuimarisha taratibu za zimamoto
- (ix) Kuhakikisha ukaguzi wa majengo unafanyika mara kwa mara.
- (x) Kusimamia matumizi mazuri ya barabara kwa waenda kwa miguu.

- (xi) Kuhakikisha kuwa majengo yote mjini yanapakwa rangi mara kwa mara .
- (xii) Kubuni na kupendekeza majina ya mitaa na namba za Nyumba katika eneo la Halmashauri .
- (xiii) Kusimamia na kudhibiti uwekaji wa minara na mabango eneo la halmashauri
- (xiv) Kupendekeza Sheria ndogo zinazohusu shughuli za kamati hii
- (xv) Kusimamia matumizi ya Sheria ya nguvu kazi.
- (xvi) Kuandaa mipango madhubuti ya maendeleo ya upanuzi wa kilimo katika Halmashauri
- (xvii) Kusimamia na kuhakiki miradi ya ujenzi wa masoko, minada, majosho na vituo vyta mifugo.

## **FAHARASA - HALMASHAURI ZA MIJI.**

	<i>Kanuni Na.</i>	<i>Kifungu cha Sheria</i>
<b>A</b>		
Ajenda za Kamati	50	
Akidi katika Mikutano ya Halmashauri	9	Sura ya 288 kif.36 Sura ya 288 kif.51(2) na (3)
Akidi kwenye Mikutano ya Kamati	56	Sura ya 288 kif.51(1);51(3)
Athari za nafasi wazi kwenye	55	

Kamati		
<b>B</b>		
<b>C</b>		
<b>D</b>		
Diwani au Afisa kutokuwa na maslahi katika mikataba	70	Sura ya 288 kif.43
Diwani kutembelea maeneo, shughuli mbalimbali za ujenzi nk.	78	
Wimbo wa Taifa/Dua ya kuiombea Halmashauri	91	
<b>E</b>		
<b>F</b>		
Fujo zinazosababishwa na umma	19	
Fujo zinazosababishwa na Wajumbe	18	
<b>G</b>		
<b>H</b>		
Haki ya kujibu	22	
Hoja kuhusu matumizi	33	
Hoja na marekebisho ya hoja	20	
Hoja za Mwenyekiti/Meya	16	
Hoja zinazohusu watumishi wa Halmashauri	38	
Hoja zinazoweza kutolewa bila taarifa	21	
<b>I</b>		
<b>J</b>		
<b>K</b>		
Kamati za Kudumu	41	
Kamati za pamoja	44	
Kanuni za kudumu kutumika katika Mikutano ya Kamati	57	
Kanuni za kudumu kutolewa kwa Wajumbe	88	
Kauli zenye kashfa	28	

Kiapo na kukubali wadhifa Kuidhinishwa kwa Taarifa ya Kamati Kufikiriwa upya maamuzi Kufutwa kwa Kanuni zilizopo	71 35 60 92	
Kujiuzulu ujumbe wa Kamati na kujazwa kwa nafasi iliyoachwa wazi.	63	
Kujiuzulu wadhifa wa Mwenyekiti wa Kamati Kumbukumbu ya mahudhurio.	62 12	Sura ya 288 kif.40 (2)
Kumwondoa Meya/Mwenyekiti madarakani Kupokelewa kwa taarifa za Kamati Kuruhusu watu na vyombo vya Habari kwenye Mikutano ya Halmashauri.	83 34 13	Sura ya 288 kif.25(5) ; GN 263/95 Sura 288 kif.39(1)

Kushiriki kwa Umma Kusitisha utumiaji wa Kanuni za kudumu. Kutafsiri Kanuni za kudumu Kuthibitisha muhtasari Kutokuwepo kwa Wajumbe Kutunza siri za Majadiliano ya Kamati na Kamati Ndogo.	39 86 89 15 74 61	
<b>L</b>		
<b>M</b>		
Maamuzi ya Mikutano ya Halmashauri Mahudhurio katika Mikutano ya Kamati Majukumu ya Diwani	29 51 72	

Marekebisho na mabadiliko ya Kanuni za kudumu	87	
Maswali	23	
Maswali ya papo kwa papo	24	
Mihtasari ya Kamati za maendeleo za Kata na vijiji/Mitaa.	31	
Mihtasari kupelekwa kwa Mkuu wa Wilaya na Mkuu wa Mkoaa.	32	Taz.pia Sura ya 290 kif.47 Sura ya 288 kif.40(1)
Mihtasari ya Kamati	59	
Mikutano ya Kamati	47	
Mikutano ya kawaida ya Halmashauri	3	Sura ya 288 kif.34(1) Sura ya 288 kif.34(3)
Mtoa hoja kualikwa kwenye Mkutano wa Kamati.	52	
Mkutano wa Bajeti	6	
Mkutano wa Mwaka	7	
Mkutano maalum wa Halmashauri	5	
Mkutano maalum wa Kamati	49	
Mwaliko wa wasiokuwa Wajumbe	30	Sura ya 288 kif.45, 50
<b>N</b>		
Nafasi wazi	73	
<b>P</b>		
Aina za posho	84	Sura ya 288 kif. 42(2)
Posho endapo	85	
Mkutano utaahirishwa		
<b>Q</b>		
<b>R</b>		
Rejesta ya mikataba	69	
<b>S</b>		
<b>T</b>		
Taarifa za Kamati	25	
Taarifa kutoka kwenye kata	26	
Taarifa za Mikutano	8	Sura ya 288 kif.35
Tafsiri	2	
Taratibu za kutunga Sheria Ndogo	75	

Taratibu za Majadiliano	17	
Taratibu za Uagizaji	64	
<b>U</b>		
Uahirishaji wa vikao	40	
Uandikishaji wa Anwani	81	
Uandishaji wa Bodi za Huduma	77	
Uchaguzi wa Meya/ Mwenyekiti na Naibu Meya/Makamu	10	
Mwenyekiti wa Halmashauri		
Uhalali wa majadiliano ya Halmashauri	36	
Uhuru wa kutoa mawazo wakati wa majadiliano	27	
Ukaguzi wa nyaraka	76	
Akidi kwenye Mikutano ya Kamati	56	
Upigaji kura kwenye Mikutano ya Kamati	58	Sura ya 288 kif.38
Usimamiaji wa mikataba	67	
Utaratibu wa shughuli za Mikutano	14	
Uteuzi wa Wajumbe kwenye Taasisi za nje	82	
Utiaji mhuri kwenye Nyaraka	80	
Uvunjaji wa mkataba	68	
Uwezo wa Halmashauri kujigeuza kuwa Kamati ya Halmashauri nzima.	37	
Uwezo wa Kamati	43	
Uziaji wa Rushwa	66	
<b>V</b>		
<b>W</b>		
Waalikwa wasiokuwa Wajumbe kuhudhuria na kushiriki katika Mikutano ya Kamati.	53	Sura ya 288 kif.45(1)
<b>X</b>		
<b>Y</b>		

Z Ziara za Wajumbe	90	
-----------------------	----	--

## **JAMHURI YA MUUNGANO WA TANZANIA**

### **KIAPO CHA DIWANI**

Mimi ..... naapa/natamka kwa dhati kwamba nitaitumikia Halmashauri ya..... kwa wadhifa wangu wa Udiwani na kwamba nitahifadhi, nitalinda na kutetea, Katiba ya Jamhuri ya Muungano wa Tanzania, Sheria za Tanzania, Maadili ya Madiwani na Kanuni za Kudumu za Halmashauri kama zilivyowekwa kwa mujibu wa Sheria na kwamba nitaitumikia Halmashauri ya ..... kwa uaminifu kwa uwezo na moyo wangu wote.

(Ewe Mwenyezi Mungu nisaidie)

Kiapo/Tamko hili limetolewa hapa; .....

Na.....

Leo tarehe..... Mwezi wa.....20.....

Mbele ya:.....

Jina:.....

Cheo:.....

Saini:.....

Anuani.....

## **HAKIMU**

**JAMHURI YA MUUNGANO WA TANZANIA**

**TAMKO LA VIONGOZI WA UMMA KUHUSU**

**RASILIMALI NA MADENI**

*(Kwa mujibu wa kifungu cha 9 na cha 11 cha Sheria ya Maadili ya Viongozi wa Umma)*

Mimi.....

Anuani; ..... baada ya kuchaguliwa/kuteuliwa na kuapishwa  
katika wadhifa wa.....tarehe.....mwaka  
20....Ninatamka rasmi na

kwa moyo mnyofu kwamba hadi sasa nina rasilimali na madeni yafuatayo:-

(1) Fedha taslimu, Amana katika benki au taasisi ya fedha; taja namba ya akaunti, benki au taasisi ya fedha na kiasi:

.....  
.....  
.....

2) Hawala za Hazina (Treasury Bills) na dhamana nyingine maalum:-

.....  
.....  
.....

3) Faida ya akiba, mafungu ya mgawanyo wa faida zinazotokana na hisa n.k.

.....  
.....  
.....  
.....  
.....  
.....

4) Nyumba au majengo ya kupangisha, taja mahali yalipo na ukubwa au eneo:

.....  
.....  
.....  
.....

\* *Rasilimali zinazotakiwa ni pamoja na zifuatazo, ambazo ni zako binafsi, za mume/mke au watoto wadogo wasiooa au kuolewa wa kiongozi wa umma.*

- (a) Fedha taslimu na amana katika benki au taasisi nyingine ya fedha.
- (b) Hawala za Hazina Treasury Bills) na nyinginezo za dhamana maalum zinazotolewa au kudhaminiwa na Serikali au vyombo vya Serikali.
- (c) Faida itokanayo na fedha iliyowekwa akiba Benki, Chini ya Ujenzi au taasisi nyingine ya fedha.
- (d) Mgao wa fedha kutokana na fungu la rasilimali ya kampuni (stocks) au hisa za kiongozi wa umma katika kampuni au shirika lolote.
- (e) Maslahi katika chombo cha biashara kisichokuwa na mkataba na Serikali, na kisichokuwa na au kisichotawala amana zinazouzwa bayana na vyombo vya umma.
- (f) Mashamba ya kibiashara.
- (g) Mali halisi zisizohamishika ambazo si rasilimali zisizotakiwa kutajwa; na
- (h) Rasilimali zinazoleta faida, ambazo si rasilimali zisizotakiwa kutajwa na ambazo zinamilikiwa kwa mbali.
- (5) Mashamba ya kibiashara, mifugo, madini n.k.

.....  
.....  
.....  
.....  
(6) Magari na aina nyingine za usafiri wa kibiashara;

.....  
.....  
.....  
.....  
(7) Mashine za kusaga nafaka, viwanda na shughuli nyingine za kibiashara au mitambo:

.....  
.....  
.....  
.....  
(8) Rasilimali nyinginezau maslahi ambayo kiongozi wa umma anapenda kutaja:

.....  
.....  
.....  
(9) Madeni;

Tamko hili linatolewa na kusainiwa mbele yangu

na (mto tamko).....  
ninayemfahamu binafsi, au aliyetambulishwa kwangu na

ambaye ninamfahamu leo tarehe ..... Mto tamko

Mwezi wa .....

saini.....

Wadhifa:.....

Anuani:.....

.....  
(Tamko hili lazima litolewe mbele ya Kamishna wa Viapo)

KWA: KAMISHINA WA MAADILI, SEKRETARIETI YA MAADILI,

S.L.P 13341,

**DAR ES SALAAM.**